



1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

C40-4514

了翁上座請大藏及百
家書置之武州紫雲山
我微笑塔院瓦店中永
為學者不敢詩出院內
當出二世鐵牛機譯



B 64853

大般涅槃經後分卷上

唐沙門若那跋陀羅與會寧等譯

橋陳如品之末

爾時須跋陀羅從佛聞說大般涅槃甚深妙法而得
法眼見法清淨愛護正法已捨邪見於佛法中深信
堅固卽從如來欲求出家佛言善哉善哉須跋陀羅
善來比丘悅可聖心善入佛道於是須跋陀羅歡喜
踊躍欣慶無量卽時鬚髮自落而作沙門法性智水
灌注心源無復縛著漏盡意解得羅漢果須跋陀羅
旣證果已卽前佛所瞻仰尊顏頭面禮足偏袒右肩

123456789200123456789210123456789220

右膝著地長跪合掌悲喜交流深自悔責在昔罪咎而白佛言世尊恨我毒身久劫已來常相欺惑令我長沒無明邪見淪溺三界外道法中痛哉苦哉爲害滋甚今大喜慶蒙如來恩得入正法世尊智慧大海慈愍無量竊自惟忖累劫碎軀未能報此須臾之恩須跋陀羅說是語已悲泣流淚不能自裁復白佛言世尊我年老邁餘命無幾未脫衆苦行苦遷逼唯願世尊少住教誡哀愍救護莫般涅槃爾時世尊默然不許須跋陀羅不果所請愁憂熱惱高聲唱曰苦哉苦哉世間空虛世間空虛如何於今大怖卽至熱惱

流行哀哉哀哉衆生福盡正慧眼滅復更流淚悲號哽咽徧體血現發聲大哭於如來前舉身投地忙亂濁心昏迷悶絕久乃甦醒涕淚哽咽而白佛言世尊我今不忍見於如來入般涅槃中心痛切難任裁抑唯願世尊後當涅槃爾時須跋陀羅說是語已悲懺哽咽於是時頃卽入涅槃爾時不可說不可說無數憶恒河沙諸大菩薩比丘比丘尼一切世間天人阿脩羅等同聲唱言苦哉苦哉如何正覺一日捨離無主無歸無依無趣追思戀慕悲感號泣互相執手槌

123456789200123456789210123456789220

胸悶絕迷失諸方哀慟三千大千世界爾時世尊出八種聲普告大衆莫大號哭猶如嬰兒各相裁抑勿自亂心汝等於此行苦生死大海勤修淨心莫失念慧疾求正智速出諸有三界受身苦輪無際無明郎主恩愛魔王役使身心策爲童僕徧緣境界造生死業貪恚狂癡念念傷害無量劫來常受苦惱何有智者不反斯源汝等當知我曠劫來已入大寂無陰界入永斷諸有金剛寶藏常樂我淨我今於此顯難思議現方便力入大涅槃示同世法欲令衆生知身如電生戀慕心生死暴河漂流速疾諸行輪轉法應如是如來涅槃甚深甚深不可思議乃是諸佛菩薩境界非諸聲聞緣覺所知佛復告諸大衆是須跋陀羅已曾供養恒河沙佛於諸佛所深種善根以大願力常在尼乾外道法中出家修行以方便慧誘進邪見失道衆生令入正智須跋陀羅乘本願力今得遇我最後涅槃得聞正法既聞正法得羅漢果既得果已復入涅槃自我得道度阿若憍陳如最後涅槃度須跋陀羅吾事究竟無復施爲設我久住無異今也爾時世尊說是語已卽歎長歎唱言善哉善哉須跋陀羅爲報佛恩汝等大衆應當供養其屍安立塔廟爾

123456789200123456789210123456789220

時大衆惆悵慘結掩淚裁抑卽依佛教以香木酥油茶毗其屍須跋陀羅當焚屍時卽於火中放大光明現十八變身上出水身下出火右脅出火左脅出水小復現大大復現小滿虛空中爾時無量大衆及諸外道邪見衆生發菩提心得入正見須跋陀羅現神變已還復火中茶毗已訖是時大衆悲感傷悼收取舍利起塔供養

遺教品第一

爾時佛告阿難普及大衆吾滅度後汝等四衆當勤護持我大涅槃我於無量萬億阿僧祇劫修此難

大涅槃法今已顯說汝等當知此大涅槃乃是十方三世一切諸佛金剛寶藏常樂我淨周圓無缺一切諸佛於此涅槃而般涅槃最後究竟理極無遺諸佛疾得菩提諸佛摩頂世世所生不失正念十方諸佛常現其前晝夜守護今一切衆得出世法當勤修習道法中修學四禪八定受行其教吾成佛來毀訾其法漸漸誘進最後須跋陀羅皆入佛道如來以大智炬燒邪見幢如乾草葉投大火燄阿難今我親戚諸

釋種子吾甚憂念我涅槃後汝當精勤以善教誡我
諸眷屬授與妙法深心誨誘勿得調戲放逸散心入
諸境界受行邪法未脫三界世間痛苦早求出離於
此五濁愛欲之中應生憂畏無救護想一失人身難
可追復畢此一形常須警察無常大鬼情求難脫憐
愍衆生莫相殺害乃至蠢動應施無畏身業清淨常
生妙土口業清淨離諸過惡莫食肉莫飲酒調伏心
蛇令人道果深思行業善惡之報如影隨形三世因
果循環不失此生空過後悔無追涅槃時至示教如
是爾時阿難聞佛語已身心顫動情識忼然悲哽嗚
咽深沒憂海舉體迷悶昏亂濁心投如來前猶如死
人爾時阿泥樓豆安慰阿難輕其愁心而語之言咄
哉何爲愁苦如來涅槃時至今日雖有明日則無汝
依我語諮詢如來如是四問佛涅槃後六羣比丘行
汙他家惡性車匿云何共住而得示教如來在世以
佛爲師世尊滅後以何爲師若佛在世依佛而住如
來既滅依何而住如來滅後結集法藏一切經初安
何等語爾時阿難如從夢中聞阿泥樓豆安慰其心
佛告阿難何爲憂苦悲哀不自勝具陳上問而以白佛
令致四問漸得醒悟哀不自勝具陳上問而以白佛

1 2 3 4 5 6 7 8 9 210 1 2 3 4 5 6 7 8 9 210

法歸是處善哉善哉阿難汝致四問爲最後問大能利益一切世間汝等諦聽善思念之唯然世尊願樂欲聞佛告阿難如汝所問佛涅槃後六羣比丘惡性車匿行汙他家云何共住而得示教阿難車匿比丘其性鄙惡我涅槃後漸當調伏其心柔和捨本惡性阿難我第難陀具極重欲其性鄙惡如來以善方便示教利喜知其根性以般若慧爲說十二因緣所謂無明緣行行緣識乃至老死憂悲苦惱皆是無明憎愛叢林一切行苦彌滿三界徧流六道大苦根本無明所起以般若慧示以性淨諦觀根本卽斷諸有過

患無明根本滅故無明滅無明滅則行滅乃至老死憂悲苦惱皆滅得此觀時攝心定住卽入三昧以三昧力得入初禪漸漸次第入第四禪繼心正念如是修習然後自當得證上果離三界苦阿難爾時難陀比丘深生信心依我教法勤心修習不久卽得阿羅漢果阿難我涅槃後汝當依我教法正觀教示六羣車匿比丘深心依此清淨土法不久自當得證上果阿難當知皆因無明增長三界生死大樹漂沒愛河衆苦長夜黑暗崖下邊生死柱六識爲枝妄念爲本無明波浪心識策使遊戲六塵種苦惱芽無能制者

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

自在如王是故我言無明郎主念念傷害衆生不覺輪轉生死阿難一切衆生爲此無明起諸愛結我見覆蔽八萬四千煩惱郎主役使其身身心破裂不得自在阿難無明若滅三界都盡以是因緣名出世人阿難若能諦觀十二因緣究竟無我深入本淨卽能遠離三界大火阿難如來是真語者說誠實言最後付囑汝當修行阿難如汝所問佛去世後以何爲師者阿難尸波羅戒是汝大師依之修行能得出世甚深定慧阿難如汝所問佛涅槃後依何住者阿難依四念處嚴心而住觀身性相同於虛空名身念處觀

受不在內外不住中間名受念處觀心但有名字名字性離名心念處觀法不得善法不得不善法名法念處阿難一切行者應當依此四念處住阿難如汝所問如來滅後結集法藏一切經初安何等語者阿難如來滅後結集法藏一切經初當安如是我聞一時佛住某方其處與諸四衆而說是經爾時阿難復白佛言若佛在世若涅槃後有信心檀越以金銀七寶一切樂具奉施如來云何舉置佛告阿難若佛現在所施佛物僧衆應知若佛滅後一切信心所施佛物應用造佛形像及造佛衣七寶幡蓋買諸香油寶

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

華以供養佛除供養佛餘不得用用者則犯盜佛物
罪阿難復白佛言若佛現在若復有人以金銀七寶
房舍殿堂妻子奴婢衣服飲食一切樂具深心恭敬
禮拜供養如來佛涅槃後若復有人以金銀七寶妻
妾奴婢衣服飲食一切樂具供養如來形像深心恭
敬禮拜供養世尊如是二人深心供養所得福德何
者爲多佛告阿難如是二人皆以深心供養所得福
德其福無異何以故雖佛滅後法身常存是以深心
供養其福正等阿難復白佛言若佛現在若復有人
以深心如上供養恭敬如來佛涅槃後若復有人

還以深心如上供養恭敬全身舍利世尊如是二人
所得福德何者爲多佛告阿難如是二人得福正等
功德廣大無量無邊乃至畢苦其福不盡阿難復白
佛言若佛現在若復有人如上深心一切供養恭敬
如來佛涅槃後若復有人如上深心供養恭敬半身
舍利世尊如是二人所得福德何者爲多佛告阿難
如是二人深心供養得福無異所得福德無量無邊
阿難若佛滅後若復有人深心供養如來舍利四分
之一八分之一十六分之一百分之一千分之一萬
分之一恒河沙分之一乃至如芥子許皆以深心供

1 2 3 4 5 6 7 8 9 210 1 2 3 4 5 6 7 8 9 210

養恭敬尊重讚歎若佛現在若復有人深心供養恭敬如來如是二人所得福德皆悉無異其福無量不可稱計阿難當知若佛現在若涅槃後若復有人深心恭敬供養禮拜尊重讚歎如是二人所得福德無二無別佛告阿難及諸大衆我涅槃後天上人間一切衆生得我舍利悲喜交流哀戚欣慶恭敬禮拜深心供養得無量無邊功德阿難若見如來舍利卽是見佛見佛卽是見法見法卽是見僧見僧卽是見涅槃阿難當知以是因緣三寶常住無有變易能爲衆生作歸依處阿難復白佛言佛涅槃後一切大衆依何法則荼毗如來而得舍利深心供養佛告阿難我般涅槃汝等大衆當依轉輪聖王荼毗方法阿難復白轉輪聖王荼毗法則其事云何佛告阿難轉輪聖王命終之後經停七日乃入金棺既入棺已卽以微妙香油注滿棺中閉棺令密復經七日從棺中出以諸香水灌洗沐浴旣灌洗已燒衆名香而以供養以兜羅綿徧體餽身然後卽以無價上妙白疋千張次第相重徧纏王身旣已纏訖以衆香油滿金棺中聖王之身爾乃入棺密閉棺已載以香木七寶車上其車四面垂諸瓔珞一切寶鉸莊嚴其車無數華旛七

寶幢蓋一切妙香一切天樂圍遶供養爾乃純以衆妙香木表裏文飾微妙香油茶毗轉輪聖王之身茶毗已訖收取舍利於都城內四衢道中起七寶塔塔開四門安置舍利一切世間所共瞻仰阿難其轉輪王以少福德紹此王位未脫諸有具足五欲妻妾女惡見三毒一切煩惱諸結使等未斷一豪命終之後世間猶乃如是法則起塔供養一切瞻仰阿難何況如來已於無量無邊無數阿僧祇劫永捨五欲妻妾嫁女於世間法已作霜雹難勤能勤難行能行一切苦薩出世苦行勤苦修習十方三世一切諸佛所

行之道甚深微妙清淨戒定慧解脫知見六波羅蜜無不具足修習如來十力大悲四無所畏三解脫門十八大空六通五眼三十七品十八不共法三十二相八十種好一切諸佛壽命一切淨佛國土一切成就衆生一切難行苦行一切攝善法戒一切攝衆生戒一切攝律儀戒一切功德一切智慧一切莊嚴一切大願一切方便如是等不可思議福德智慧皆已成就無不具足斷除一切不善斷除一切煩惱斷除一切煩惱餘習通達四諦十二因緣於菩提樹降伏四魔成就種智如是妙法悉修習已爾乃一切

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

諸佛唱言善哉善哉同以法性智水灌法身頂乃成
 阿耨多羅三藐三菩提以是因緣我今號天人師十
 力種覺至極世尊天上人間無與等者等視衆生如
 羅睺羅故名如來應供正徧知明行足善逝世間解
 無上士調御丈夫天人師佛世尊憐愍世間化緣周
 裏爲衆生故今入涅槃隨世間法如轉輪王爲令衆
 生普得供養阿難我入涅槃如轉輪王經停七日乃
 入金棺以妙香油注滿棺中密蓋棺門其棺四面應
 以七寶間雜莊嚴一切寶幢香華供養經七日已復
 出金棺既出棺已應以一切衆妙香水灌洗沐浴如

來之身旣灌洗已以上妙兜羅綿徧體纏身次以微
 妙無價白疋千張復於綿上纏如來身乃入金棺復
 以微妙香油盛滿棺中閉棺令密爾乃純以微妙牛
 頭栴檀沉水一切香木成七寶車一切衆寶以爲莊
 嚢載以寶棺至荼毗所無數寶幢無數寶蓋無數寶
 衣無數天樂無數香華周徧虛空悲哀供養一切天
 人無數大衆應各以栴檀沉水微妙香油茶毗如來
 哀號戀慕荼毗已訖天人四衆收取舍利盛七寶瓶
 於其城內四衢道中起七寶塔供養舍利能令衆生
 得大功德離三有苦至涅槃樂阿難當知一切四衆

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

經

大般涅槃經卷第十一

十一

百七

起佛舍利七寶塔已應當更起三塔供養所謂辟支
佛塔阿羅漢塔轉輪王塔爲令世間知歸依故阿難
白佛言如來出世悲愍衆生顯示十力大悲四無所
畏十二因緣四諦之法三解脫門八種梵音雷震三
界五色慈光徧照六道隨順衆生心業所轉或得四
果二乘所行或證無漏無爲緣覺之道或入無滅無
生菩薩之地或得無量諸陀羅尼或得五眼或得六
通或脫三惡或出入難或離人天三界之苦如來慈
力清淨如來解脫法門不可思議乃至涅槃一切世
間人天四衆起七寶塔供養舍利得大功德能令衆
生脫三界苦入正解脫以是因緣佛般涅槃一切世
間人天四衆報佛甚深無量慈恩起七寶塔供養舍
利理應如是世尊其餘三塔於諸衆生得何等利而
令起立恭敬供養佛告阿難其辟支佛悟法因緣入
深法性已脫諸有一切過患能爲人天而作福田以
是因緣起塔供養所得福德次於如來能令衆生皆
得如來阿難其阿羅漢於三界中生分已盡不受後
有梵行已立能爲世間而作福田是故應當起塔供
養所得福德次辟支佛亦令衆生皆得解脫阿難其
轉輪王雖未解脫三界煩惱福德力故治四天下而

經

大般涅槃經卷第十一

十一

百七

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

經

大藏經卷之二

三

白

以十善化育羣生是諸衆生之所尊敬以是四衆起塔供養所得福德亦復無量阿難白佛言佛般涅槃一切四衆當於何所茶毗如來得收舍利唯願示教佛告阿難佛般涅槃一切四衆若於拘尸城內茶毗如來其城中人皆紹王位則相討伐諍訟無量亦令一切得福階差阿難一切四衆可於城外茶毗如來爲令世間得福等故阿難白佛言佛入涅槃茶毗已訖一切四衆收取舍利安置寶瓶當於何所起七寶塔一切皆得深心供養唯願示教佛告阿難佛般涅槃茶毗既訖一切四衆收取舍利置七寶瓶當於拘

尸那伽城內四衢道中起七寶塔高十三層上有相輪一切妙寶間雜莊嚴一切世間衆妙華旛而嚴飾之四邊欄楯七寶合成一切裝鉸靡不周徧其塔四面面開一門層層間次廡牖相當安置寶瓶如來舍利天人四衆瞻仰供養阿難其辟支佛塔應十一層亦以衆寶而嚴飾之阿難阿羅漢塔成以四層亦以衆寶而嚴飾之阿難其轉輪王塔亦七寶成無復層級何以故未脫三界諸有苦者爾時阿泥樓豆白佛言佛涅槃後茶毗已訖一切天人四部大衆如何分布如來舍利而得供養爾時佛告阿泥樓豆我般涅槃

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

槃汝等天人取佛舍利以平等心分布三界一切六道世間供養爾時釋提恒因白佛我今從佛敬請如來半身舍利而我深心願供養故佛告天帝如來等視衆生如羅睺羅汝不應請半身舍利何以故平等利祐諸衆生故佛告天帝我今與汝右邊上領一牙舍利可於天上起塔供養能令汝得福德無盡爾時天人一切大眾悲哀流淚不能自裁爾時世尊普告四衆佛般涅槃汝等天人莫大愁惱何以故佛雖涅槃而有舍利常存供養復有無上法寶修多羅藏毗耶耶藏摩達磨藏以是因緣三寶四諦常住於世能令衆生深心歸依何以故供養舍利即是佛寶見佛卽見法身見法身卽見賢聖見賢聖故卽見四諦見四諦故卽見涅槃是故當知三寶常住無有變易能爲世間作歸依故佛復告諸大衆汝等莫大愁苦我今於此垂欲涅槃若戒若歸若常無常三寶四諦六波羅蜜十二因緣有所疑者當速發問爲究竟問佛涅槃後無復疑惑三廻告衆爾時四衆憂悲苦惱哽咽流淚痛切中心追思戀慕愁毒悶絕佛神力大憍惱淚寂然無發問者何以故一切四衆已於戒歸三寶四諦通達曉了無有疑故爾時世尊知諸四衆無復

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

餘疑歎言善哉善哉汝等四衆已能通達三寶四諦無有疑也猶如淨水洗蕩身垢汝等當勤精進早得出離莫生愁惱迷悶亂心爾時世尊於師子座以真金手却身所著僧伽黎衣顯出紫磨黃金師子胸臆普示大衆告言汝等一切天人大衆應當深心看我紫磨黃金色身爾時四衆一切瞻仰大覺世尊真金色身目不暫捨悉皆快樂譬如比丘入第三禪難生是中爾時世尊以黃金色示大衆已卽放無量無邊百千萬億大涅槃光普照十方一切世界日月所照無復光明放是光已復告大衆當知如來爲汝等故

累劫勤苦截身手足盡修一切難行苦行大悲本願於此五濁成阿耨多羅三藐三菩提得此金剛不壞紫磨色身具足三十二相八十種好無量光明普照一切見形遇光無不解脫佛復告諸大衆佛出世難如優曇華希有難見汝等大衆最後遇我爲於此身不生空過我以本誓願力生此穢土化緣周畢今欲涅槃汝等以至誠心看我紫磨黃金色身汝當修習如是清淨之業於未來世得此果報爾時世尊如是三反懲懃三告以真金色示諸大衆卽從七寶師子大牀上昇虛空高一多羅樹一反告言我欲涅槃汝

1 2 3 4 5 6 7 8 9 210 1 2 3 4 5 6 7 8 9 210

經

大般涅槃經卷第十一

卷

白

等大衆看我紫磨黃金色身如是展轉高七多羅樹
 七反告言我欲涅槃汝等大衆應當深心看我紫磨
 黃金色身從空中下坐師子牀復告大衆我欲涅槃
 汝等深心看我紫磨黃金色身爾時世尊從師子牀
 復昇虛空高一多羅樹復告大衆我欲涅槃汝等深
 心看我紫磨黃金色身如是展轉高七多羅樹七反
 告言我欲涅槃汝等大衆看我紫磨黃金色身從空
 中下坐師子牀復告大衆我欲涅槃汝等深心看我
 紫磨黃金色身爾時世尊從師子牀復昇虛空高一
 多羅樹復告大衆我欲涅槃汝等深心看我紫磨黃
 金色身如是展轉高七多羅樹七反告言我欲涅槃
 汝等深心看我紫磨黃金色身從空中下坐師子牀
 復告大衆我欲涅槃汝等深心看我紫磨黃金色身
 爾時世尊顯出如來紫磨黃金色身普示大衆如是
 三反上昇虛空高七多羅樹三反從空中下坐師子
 牀如是慇懃二十四反告諸大衆我欲涅槃汝等深
 心看我金剛堅固不壞紫磨黃金無畏色身如優曇
 華難可值遇汝等當知我欲涅槃汝等應當以至誠
 心看我紫磨黃金色身如熟渴人遇清冷水飲之令
 飽無復餘念汝等大衆亦復如是我欲涅槃汝等大

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

衆應當深心瞻仰爲是最後見於如來自此見已無復再覩汝等大衆瞻仰令足無復後悔佛復告諸大衆我涅槃後汝諸大衆應廣修行早出_三有勿復懈怠散心放逸爾時一切世界天人四衆遇涅槃光瞻仰佛者一切二塗八難世間人天所有煩惱四重五逆極惡罪咎永滅無餘皆得解脫爾時世尊顯出紫磨黃金色身慇懃相告示大衆已還舉僧伽黎衣如常所披

應盡還源品第二

佛復告諸大衆我今時_下舉身疼痛說是語已卽入

初禪以涅槃光徧觀世界入寂滅定爾時世尊所言未訖卽入初禪從初禪出入第二禪從二禪出入第三禪從三禪出入第四禪從四禪出入虛空處從空處出入無邊識處從識處出入不用處從不用非想非非想處從非非想出入滅盡定從滅盡定出還入非想非非想處從非非想出入不用處從不用出入無邊識處從識處出入虛空處從空處出入第四禪從四禪出入第三禪從三禪出入第二禪從二禪出入第一禪爾時世尊如是逆順入諸禪已普告大衆我以甚深般若徧觀三界一切六道諸山大海

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

大地含生如是三界根本性離畢竟寂滅同虛空相
 無名無識永斷諸有本來平等無高下想無見無聞
 無覺無知不可繫縛不可解脫無衆生無壽命不生
 不起不盡不滅非世間非世間涅槃生死皆不可
 得二際平等等諸法故閑居靜住無所施爲究竟安
 置必不可得從無住法法性施爲斷一切相一無所
 有法相如是其知是者名出世人是事不知名生死
 始汝等大衆應斷無明滅生死始爾時世尊說是語
 已復入超禪從初禪出入第三禪從三禪出入虛空
 處從虛空出入無所有處從無所有出入滅盡想定

從滅盡定出次第還入至非想非非想處從非非想
 出入無邊識處從識處出入第四禪從四禪出入第
 二禪從二禪出入於初禪如是逆順入超禪已復告
 大衆我以摩訶般若徧觀三界有情無情一切人法
 悉皆究竟無繫縛者無解脫者無主無依不可攝持
 不出三界不入諸有本來清淨無垢無煩惱與虛空
 等不平等非不平等盡諸動念思想心息如是法相
 名大涅槃真見此法名爲解脫凡夫不知名曰無明
 作是語已復入超禪從初禪出乃至入滅盡定從滅
 盡出乃至入初禪如是逆順入超禪已復告大衆我

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

以佛眼徧觀三界一切諸法無明本際性本解脫於十方求了不能得根本無故所因枝葉皆悉解脫無明解脫故乃至老死皆得解脫以是因緣我今安住常寂滅光名大涅槃爾時阿難無極悲哀憂愁痛苦心狂忙亂情識昏迷如重醉人都無知覺不見四衆不知如來已入涅槃爲未涅槃爾時世尊如是三反從超入諸禪定徧觀法界普爲大衆三反說法如來如是展_專二十七反入諸禪定阿難以不知故佛入一禮卽致一問如是二十七反問阿泥樓豆佛已涅槃爲未涅槃阿泥樓豆深知如來入諸禪定二十七

反皆答阿難佛未涅槃爾時一切大衆皆悉忙亂都不覺知如來涅槃爲未涅槃爾時世尊三反入諸禪定三反示誨衆已於七寶牀右脅而臥頭枕北方足指南方向西方後背東方其七寶牀微妙瓔珞以爲莊嚴娑羅樹林四雙八隻西方一雙在如來前東方一雙在如來後北方一雙在佛之首南方一雙在佛之足爾時世尊娑羅林下寢臥寶牀於其中夜入第四禪寂然無聲於是時頃便般涅槃大覺世尊入涅槃已其娑羅林東西二雙合爲一樹南北二雙合爲一樹垂覆寶牀蓋於如來其樹卽時慚然變白猶

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

經

大

白

如白鶴枝葉華果皮榦悉皆爆裂墮落漸漸枯悴摧折無餘爾時十方無量萬億恒河沙普佛世界一切大地皆大震動出種種音唱言苦哉苦哉世界空虛演出無常苦空哀歎之聲爾時十方世界一切諸山目真隣陀山摩訶目真隣陀山鐵圍山大鐵圍山諸須彌山寶山香山金山黑山一切大地所有諸山一時振裂悉皆崩倒出大音聲振吼世界唱言苦哉苦哉如何一旦世間孤露慧日滅沒大涅槃山一切衆生喪真慈父失所敬天無瞻仰者爾時十方世界一切大海皆悉混濁沸涌濤波出種種音唱言苦哉苦哉正覺已滅衆生罪苦長夜久流生死大海迷失正路何由解脫爾時一切江河溪澗溝壑川流泉源渠井浴池悉皆傾覆水盡枯涸爾時十方世界大地虛空寂然大暗日月精光悉無復照黑暗愁惱彌布世界於是時間忽然黑風鼓怒驚振吹扇塵沙彌暗世界爾時大地一切卉木藥草諸樹華果枝葉悉皆摧折碎落無遺於是時頃十方世界一切諸天徧滿虛空哀號悲歎震動三千大千世界雨無數百千種種上妙天香天華徧滿三千大千世界積高須彌供養如來於上空中復雨無數天幢天旛天瓔珞天軒蓋

1 2 3 4 5 6 7 8 9 210 1 2 3 4 5 6 7 8 9 210

天寶珠徧滿虛空變成寶臺四面珠瓔七寶鉸絡光明華彩供養如來於上空中復奏無數微妙天樂鼓吹絃歌出種種音唱言苦哉苦哉佛已涅槃世界空虛羣生眼滅煩惱羅刹大欲流行行苦相續痛輪不息爾時阿難心苦迷悶都不覺知不識如來已入涅槃未入涅槃唯見非恒境界復問樓豆佛涅槃耶樓豆答言大覺世尊已入涅槃爾時阿難聞是語已悶絕瞬地猶如死人寂無氣息冥冥不曉爾時樓豆以清冷水灑阿難面扶之令起以善方便而慰喻之語阿難言哀哉哀哉痛苦柰何柰何莫大愁毒熱惱亂

心如來化緣周畢一切人天無能留者苦哉苦哉柰何奈何何期今日人天之師爲事究竟無能留者柰何我與汝等且共裁抑復慰喻言阿難佛雖涅槃而有舍利無上法寶常住於世能爲衆生而作歸依我與汝等當勤精進以佛法寶授與衆生令脫衆苦報如來恩爾時阿難聞慰喻已漸得醒悟哽咽流淚悲不自勝其拘尸那城娑羅林間縱廣十二由旬天人大衆皆悉徧滿尖頭針鋒受無量衆間無空缺不相障蔽爾時無數億菩薩一切大衆悉皆迷悶昏亂濁心都不覺知如來涅槃及未涅槃唯見非恒變動一

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

時同問樓豆佛涅槃耶爾時樓豆告諸大衆一切天
人大覺世尊已入涅槃爾時無數一切大衆聞是語
已一時昏迷悶絕躰地苦毒入心隘聲不出其中或
有隨佛滅者或失心者或身心戰戰者或互相執手
哽咽流淚者或常椎胸大呌者或舉手拍頭自拔髮
者或有唱言痛哉痛哉荼毒苦哉或有唱言如來涅
槃一何疾者或有唱言失我所敬天者或有歎言世
界空虛衆生眼滅者或有歎言煩惱大鬼已流行者
或有歎言衆生善芽種子滅者或有歎言魔王欣慶
解甲者或自訶責身心無常觀者或有正觀得解
脫者或有傷歎無歸依者中有循體血現流灑地者
如是異類殊音一切大衆哀聲普震一切世界爾時
娑婆世界主尸棄大梵天王知佛已入涅槃與諸天
衆卽從初禪飛空而下舉聲大哭流淚悲咽投如來
前悶絕躰地久乃甦醒哀不自勝卽於佛前以偈悲
歎

世尊往昔本誓願 爲我等故居忍土
乃隱無量自在力 貧所樂法度衆生
方便逐宜隨應說 衆生無不受安樂
誘進令出三有苦 究竟皆至涅槃道

1 2 3 4 5 6 7 8 9 201 2 3 4 5 6 7 8 9 210 1 2 3 4 5 6 7 8 9 220

如來慈母育衆生 普飲衆生大悲乳
何期一旦忽捨離 人天孤露無所依
痛哉衆生善種芽 無天甘露令增長
善芽漸漸衰滅已 罪業相牽墮惡道
奈何世界悉空虛 衆生正慧眼已滅
旣行無明黑暗中 墮落三有淪溺苦
奈何衆生罪無赦 願依舍利得解脫
勸請如來大悲力 天下救護令我脫苦地
何期痛哉此惡世 如來棄我入涅槃
爾時釋提桓因與諸大衆從空而下唱言苦哉苦哉
發聲大哭悲泣流淚投如來前悶絕躋地久乃甦醒
悲哀哽咽胡跪佛前說偈哀歎
如來歷劫行苦行 普爲我等羣生故
得成無上正覺道 等育衆生如一子
施法藥中爲上藥 療病醫中爲勝醫
大慈悲雲蔭衆生 甘露慧雨雨一切
慧日光照無明暗 無明衆生見聖道
聖月慈光照六趣 三有蒙光脫衆苦
何期於今捨大悲 已入涅槃衆不見
本誓大悲今何在 棄捨衆生如涕唾

1 2 3 4 5 6 7 8 9 20 1 2 3 4 5 6 7 8 9 21 0 1 2 3 4 5 6 7 8 9 22

我等一切諸衆生 如犢失母必當死

衆互相執手哭

椎胸大哀動三界

苦哉苦哉諸有人

如何一日盡孤露

我等福盡苦何甚

善芽燋然無復潤

唯願法寶舍利光

照我令脫三有苦

哀哉痛哉我等衆

幾何重得見如來

爾時樓豆悲哀號泣傷悼無量胡跪佛前以偈悲歎

正覺法王育我等

飲我法乳長法身

衆生法身未成立

又復慧命少資糧

應以八音常演暢

令衆聞已悉悟道

常放大慈五色光

令衆蒙光皆解脫

如何今已永涅槃

行苦衆生何依趣

苦哉世尊捨大悲

我等孤窮必當死

雖知世尊現方便

我等無能不悲哀

四衆迷悶昏失心

哀動天地震三界

世尊獨處大安樂

衆生大苦欲何之

世尊往昔爲我等

衆劫捨頭截手足

得成無上正覺道

不久住世卽涅槃

我及四衆處無明

魔王欣慶捨甲胄

哀哉世尊願大悲

舍利慈光攝我等

1 2 3 4 5 6 7 8 9 210 1 2 3 4 5 6 7 8 9 210

伏請世尊愍四衆 法寶流潤願不窮
我等不能卽殞滅 苟存餘命能幾何

苦哉痛切難堪忍 重見世尊無復期
爾時阿難悶絕漸醒舉手拍頭椎胸哽咽悲泣流淚

哀不自勝長跪佛前以偈悲歎

我昔與佛誓願力 幸共同生釋種中

如來得成正覺道

我爲侍者二十載

深心敬養情不足

一日見棄入涅槃

痛哉哀哉荼毒苦

無極長夜痛切心

我身未脫諸有網

無明之穀未出離

世尊慧觜未啄破 大亦如何見捨疾涅槃

我如初生之嬰兒

失母不久必當死

世尊如何見放捨

獨出三界受安樂

我今懺悔於世尊

侍佛已來二十年

四威儀中多懈惰

不能悅可大聖心

願正覺尊大慈悲

施我甘露令安樂

我願窮盡未來際

常觀世尊爲侍者

唯願世尊大慈光

一切世界攝受我

痛哉痛哉不可說

嗚咽何能陳聖恩

爾時無數億恒河沙菩薩 一切世間天人大衆互相

1 2 3 4 5 6 7 8 9 210 1 2 3 4 5 6 7 8 9 210

執手悲泣流淚哀不自勝各相裁抑卽皆自辨無數
微妙香華曼陀羅華摩訶曼陀羅華曼殊沙華摩訶
曼殊沙華無數天上人間海岸栴檀沉水百千萬種
和香無數香泥香水寶蓋寶幢寶旛真珠瓔珞徧滿
虛空投如來前悲哀供養爾時拘尸城內男女大小
一切大眾悲哀流淚各辦無數微妙香華旛蓋等倍
勝於前投如來所悲哀供養爾時四天王與諸天衆
悲哀流淚各辦無數香華一切供養等三倍於前悲
泣流淚來詣佛所投如來前悲哀供養五天如是倍
勝於前色界無色界諸天亦復如是倍勝供養

大般涅槃經後分卷上

音釋

碎 蘇內切 邁 莫拜切 哽 咽 古杏切 喘 呼烏切 楊 直追
也 動貌顛戰掉也 捏 羅錦 楚語也此云細繫 尺 尺
誘 與久切 欽 恃居切 悼 徒到切 許 將此切
引也 钉鉗也 慘 七感切 爆 刺校切 茶毒 茶同都切 毒
鉸 古孝切 悔 戚也 啄 爪角切 痞 即委 啄 痞啄也
苦痛 痞 苦角切 肺 啄 肺啄也

姑蘇中書舍人徐溶施賛刻此
大般涅槃經後分上卷詩字九千七百五十該
銀四兩三錢九分
天啓甲子歲次孟春吉日吳江接待寺識

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

大般涅槃經後分卷下

唐沙門若那跋陀羅與會寧等譯

機感茶毗品第三

爾時拘尸城內一切男女悲泣流淚不知茶毗法則云何問阿難言如來涅槃如何法則可以茶毗爾時帝釋具陳上事而以答言如佛所說依輪王法爾時拘尸城內一切人民悲泣流淚總入城中卽作金棺七寶莊嚴卽辦微妙無價白氈千張無數細軟妙兜羅綿辦無數微妙栴檀沉水百千萬種和香香泥香水一切繒蓋旛華香等如雲徧滿在於空中積高須

1 2 3 4 5 6 7 8 9 20 1 2 3 4 5 6 7 8 9 210 1 2 3 4 5 6 7 8 9 22

彌既辨已訖悲哀流淚將至佛所投如來前悲咽不勝而伸供養爾時拘尸城內一切人民及諸大眾重復悲哀哽咽流淚復持無量香華旛蓋一切供具如雲徧滿空中互相執手槌脣哽咽涕泣盈目哀震大千投如來前悲哀供養爾時大眾悲哽嗚咽深重敬心各以細妙白疊障手扶於如來入金棺中注滿香油棺門卽閉爾時拘尸城內一切士女貪福善心總欲攝取如來功德不令天人一切大眾同舉佛棺卽共詳議遣四力士壯大無雙脫其所著瓔珞衣服期心請舉如來聖棺欲入城內自伸供養盡其神力都不能勝爾時城內復遣八大力士至聖棺所脫所著衣共擎佛棺皆盡神力都亦不得拘尸城內復遣十六極大力士來至棺所脫所著衣共舉佛棺亦不能勝爾時樓豆語力士言縱使盡城內人男女大小舉如來棺欲入城內亦不能得何況汝等而能勝耶汝等當語大眾及諸天力助汝舉棺乃得入城樓豆語言未訖爾時帝釋卽持微妙大七寶蓋無數香華旛蓋音樂與諸天衆悲泣流淚垂在空中供養聖棺至第六天及色界天皆如帝釋供養聖棺爾時世尊大悲普覆令諸世間得平等心得福無異於娑羅林卽

1 2 3 4 5 6 7 8 9 210 1 2 3 4 5 6 7 8 9 210

自舉棺昇虛空中高一多羅樹拘尸城內一切人民及諸世間人天大眾等共不得舉佛聖棺爾時帝釋及諸天衆卽持七寶大蓋四柱寶臺四面莊嚴七寶瓔珞垂虛空中覆佛聖棺無數香華幢旛瓔珞音樂微妙雜綵空中供養至第六天色界諸天倍前帝釋覆佛聖棺及所供養爾時拘尸城內一切人民見佛聖棺昇在空中槌胷大哭悲咽懊惱爾時一切天人於大聖尊寶棺前路徧散七寶真珠香華瓔珞微妙雜綵繽紛如雲地及虛空悉皆徧滿哀泣流淚供養如來七寶靈棺同聲唱言苦哉苦哉我等無福舉佛

聖棺遂不能得我等孤露何有善根爾時世尊大聖金棺於娑羅林虛空之中徐徐乘空從拘尸城西門而入爾時拘尸城內一切士女無數菩薩聲聞天人大衆地及虛空悉皆徧滿隨從如來大聖靈棺互相執手號聲大哭槌胷咷喚暗咽流淚各持無數香華寶幢旛蓋地及虛空悉皆徧滿悲號哀歎供養靈棺其拘尸那城一面從廣四十八由旬爾時如來七寶金棺徐徐乘空從拘尸城東門而出乘空右遶入城南門漸漸空行從北門出乘空左遶還從拘尸西門而入如是展轉遶三市已乘空徐徐還入西門乘空

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

而行從東門出空行左遶入城北門漸漸空行從南門出乘空右遶還入西門如是展轉遶經四市如是左右遶拘尸城經于七市爾時七寶聖棺當入城時一切大衆悲號哽咽各持無數微妙香木栴檀沉水一切寶香文理香潔普薰世界復持無數寶幢旛蓋香華瓔珞至荼毗所悲哀供養爾時四天王及諸天衆悲泣流淚各持天上妙栴檀沉水表裏香潔芬芳周徧各五百根大如車輪復持一切寶香寶幢寶蓋妙華瓔珞至荼毗所悲哀供養第二天各一千根第三天各二千第四天各三千第五天各四千第六天各五千及旃華至荼毗所悲哀供養爾時色界無色諸天唯有香華至荼毗所悲哀供養爾時一切世間大衆各持微妙栴檀沉水香華幢蓋至荼毗所悲哀供養爾時樓豆涕泣盈目哀悼無極從諸天人乞妙香木栴檀沉水足六千根文理香潔芬馥周徧至荼毗所悲哀供養阿耨達池四面縱廣二百由旬出四大河佛初成道恒河北岸一樹栴檀隨佛而生大如車輪高七多羅樹香氣普薰供養如來其香樹神與樹俱生常取此香供養於佛佛入涅槃此一檀樹卽隨佛滅枝葉俱落神亦隨死有諸異神取此香樹

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

送茶毗所悲哀供養其地乃是三世諸佛茶毗之處
大覺世尊乘本願力亦於是處茶毗是處有諸往古
諸佛無量寶塔金剛不壞堅固之處爾時如來大聖
寶棺漸漸空行至茶毗所徐徐乘空下安七寶牀其
一切衆妙瓔珞無價雜綵以爲莊嚴於是時頃復
經七日爾時拘尸城內一切士女無數菩薩聲聞三
十三天一切大衆悲哀哽咽持諸旛蓋寶幢香華隨
從佛棺經於七日以佛神力一切天人無飢渴想一
無思食唯見哀泣戀慕如來既滿七日大聖如來將
欲出棺舍城內一切士女無數大衆復大哀

泣震動世界復持香華無數幢旛微妙天樂投佛棺
前哀咽供養是時大衆悲哽流淚各以細微白氍自
障其手深重敬心從寶棺中扶於如來紫磨黃金三
十二相八十種好堅固不壞金剛之身安詳而出置
七寶牀爾時大衆重大悲哀聲震十方普佛世界復
持一切香華繒蓋音樂深心供養悶絕哽咽投如來
前是時大衆復更悲咽盈目流涙各持無數香水香
泥深重敬心從頭至足灌洗如來三十二相八十種
好無量福德智慧莊嚴金剛堅固紫磨黃金不壞色
身復洗寶棺微妙清淨既灌洗已是時大衆復大號

1 2 3 4 5 6 7 8 9 210 1 2 3 4 5 6 7 8 9 210

哭悲哀哽咽燒微妙寶香散七寶華無數寶旛幢蓋
 地及虛空悉皆徧滿悲哀號泣供養如來是時大衆
 街哀暗咽卽持無數妙兜羅綿從頭至足纏裹如來
 金剛色身旣纏身已復以上妙無價白氈千張於兜
 羅上次第相重纏如來身纏身已訖是時大衆重大
 悲哀號哭悶絕復持香華旛蓋寶幢音樂哽咽供養
 是時大衆哀泣流淚深重敬心各以白氈障手暗咽
 悲哽共扶如來入寶棺中注滿香油棺門尋閉爾時
 大衆重大悲哀聲震世界復持香華旛蓋音樂號悼
 悲泣供養寶棺爾時一切大衆所集微妙香木積高
 須彌芬馥香氣普薰世界相重密次成大香樓四面
 七寶莊嚴幢蓋旛華瓔珞雜綵徧空如雲以爲莊嚴
 人天音樂悲哀供養是時天人大衆將欲舉棺置香
 樓上復大悲哀槌胷大呌聲震大千復持幢蓋香華
 音樂悲哀供養是時大衆哀悼悲結深重敬心各以
 白氈障手共舉如來大聖寶棺置於莊嚴妙香樓上
 復大號泣絕而復甦唱言苦哉苦哉何期孤露無有
 依恃悲咽流淚復散香華寶幢旛蓋音樂雜綵一切
 盡心悲哀供養爾時如來大聖寶棺旣上微妙寶香
 樓已將欲舉火荼毗如來是時大衆復大號哭驚震

1 2 3 4 5 6 7 8 9 210 1 2 3 4 5 6 7 8 9 210

大千復更深重悲哀供養大聖寶棺及妙香樓爾時一切大衆哀泣盈目各持七寶香炬大如車輪艷彩光明徧照世界一切大哭茶毗香樓哀震大千一切世界復以香華徧滿供養是時寶炬至香樓所自然殄滅是時一切大衆復時無上七寶大炬燭光普照悲哀流淚投香樓所皆悉殄滅爾時一切海神持海中火七寶大炬無數光燭投香樓所亦皆殄滅是時大衆長時號哭一切供養不知如來何緣未畢投火香樓茶毗不然爾時世尊大悲普潤待迦葉衆來至乃然特大迦葉與五百弟子在耆闌崛山去拘尸城

五十由旬身心寂然入于三昧於正受中倏爾心驚舉身顫慄從定中出見諸山地皆大震動卽知如來已入涅槃告諸弟子我佛大師入般涅槃時經七日已入棺中苦哉苦哉應當疾往至如來所恐已茶毗不得見佛三十二相八十種好真淨色身迦葉以敬佛故不敢飛空往如來所卽將弟子尋路疾行悲哀速往正滿七日至拘尸城城東路首迦葉遇見一婆羅門執一天華隨路而來迦葉問言仁者何來答曰佛般涅槃我於茶毗所來復問此是何華答言於茶毗所得此天華迦葉就乞答言不得我期將歸擬示

1 2 3 4 5 6 7 8 9 210 1 2 3 4 5 6 7 8 9 210

六親家中供養迦葉就借著其頑上便卽悶絕昏迷
 瞬地暗咽悲哽良久乃甦卽自惟忖於此號泣不見
 如來八十種好紫磨色身無所追憶卽與弟子疾共
 前進至拘尸城北門而入於其城中入一僧坊見諸
 比丘叢聚一處語迦葉言汝等遠來深勞苦耶安坐
 待食迦葉答言我之大師已入涅槃我有何情安此
 待食諸比丘言汝師是誰答言汝不知耶哀哉痛苦
 大覺世尊今已涅槃比丘聞已各大歡喜而作是言
 快哉快哉如來在世禁制我等戒律嚴峻我等甚不
 堪忍不能依行今已涅槃嚴峻禁戒已應放捨汝且
 待食有何急耶佛神力故掩諸天耳及大迦葉諸弟
 子等皆悉不聞惡比丘語唯有迦葉獨自聞之於是
 迦葉卽將弟子悲泣流淚疾往佛所是時迦葉與諸
 弟子竊共思念我等如何得諸供物將至佛所供養
 如來迦葉復言我自生長在此城中乞得妙白氈足滿
 千張復得無數妙兜羅綿復得無量寶華香泥香水
 香油寶幢旛蓋音樂弦歌瓔珞雜綵悉皆具足迦葉
 與諸弟子悲哀流淚卽持疾往出城西門爾時迦葉
 卽聞荼毗之所一切大衆悲咽號哭共問帝釋已供

0123456789200123456789210123456789220

養訖如何得火然此香樓茶毗如來帝釋答言人衆
且待摩訶迦葉卽時而至釋言未訖一切大衆正於
哀中卽見迦葉與諸弟子尋路悲來衆卽停哀便爲
開路迦葉前進遙見佛棺將諸弟子一時禮拜號哭
哽咽悶絕瞬地昏濁亂心良久乃醒流淚不勝漸漸
前行問大衆言如何得開大聖金棺大衆答言佛入
涅槃已經二七恐有損壞如何得開迦葉答言如來
之身金剛堅固常樂我淨不可沮壞德香芬馥若旃
檀山作是語已涕泗交流至佛棺所爾時如來大悲
平等爲迦葉故棺自然開白氈千張及兜羅綿皆卽

解散顯出三十二相八十種好真金紫磨堅固色身
迦葉與諸弟子見已悶絕瞬地喑咽哀哽良久乃甦
涕泣盈目與諸弟子徐上香樓近佛棺邊復更喑咽
號哭悲哽卽以所得香華旛蓋寶幢瓔珞音樂弦歌
哀號供養卽以香泥香水灌洗如來金色之身燒香
散華哀泣供養灌洗已訖迦葉與諸弟子持其所得
妙兜羅綿纏於如來紫磨色身次以舊綿纏新綿上
兜羅纏已復以所得白氈千張次第相重於兜羅上
纏如來身纏白氈已復持舊氈著新氈上次第相纏
總纏已訖棺門卽閉復以七寶瓔珞一切莊嚴爾時

920 1 2 3 4 5 6 7 8 9 210 1 2 3 4 5 6 7 8 9 210

迦葉復重悲哀與諸弟子石遶七匝盈目流淚

三

合掌說偈哀歎

苦哉苦哉大聖尊

我今荼毒苦切心

世尊滅度一何速

大悲不能留待我

我於崛山禪定中

偏觀如來悉不見

又觀見佛已涅槃

倏爾心顫大震驚

忽見暗雲徧世間

復覩山地大震動

卽知如來已涅槃

故我疾來已不見

世尊天悲不普我

令我不見佛涅槃

不空一言相教告

我今孤露何所依

世尊我今大痛苦

情亂迷悶昏濁心

我今爲禮世尊頂

爲復哀禮如來脅

爲復敬禮大聖手

爲復悲禮如來腰

爲復敬禮如來脣

爲復深心禮佛足

何苦不見佛涅槃

唯願示我敬禮處

如來在世衆安樂

今入涅槃皆大苦

哀哉哀哉深大苦

大悲示教所禮處

爾時迦葉哽咽悲哀說是偈已世尊大悲卽現二足

千輻輪相出於棺外迴示迦葉從千輻輪放千光明徧照十方一切世界爾時迦葉與諸弟子見佛足已

1 2 3 4 5 6 7 8 9 210 1 2 3 4 5 6 7 8 9 210

一時禮拜千輻輪相卽便悶絕昏迷瞬地良久乃醒
與諸弟子哀號哽咽右達七市遠七市已復禮佛足
悲哀哭泣聲震世界復更說偈哀歎佛足

如來究竟大悲心

平等慈光無二照

衆生有感無不應

示我二足千輻輪

我今深心歸命禮

千輻輪相二足尊

千輻輪中放千光

徧照十方普佛刹

我今歸依頭面禮

千輻輪相長光照

衆生遇光皆解脫

三塗八難皆離苦

我復歸依頭面禮

輪光普救諸惡趣

世尊往昔無數劫

爲我等故修苦行

今證得此金剛體

足下由放千光明

悲哀稽首歸命禮

安於衆生千輻輪

佛修衆德爲一切

修道樹日降四魔

四魔降已伏外道

衆生因此得正見

稽首歸依頭面禮

衆生正見光明足

佛爲一切真慈父

足光平等度衆生

我復歸依頭面禮

平等離苦輪足光

我遇千輻光明足

悲喜交流哀切心

我復悲哀頭面禮

有感千輻輪光明

1 2 3 4 5 6 7 8 9 200 1 2 3 4 5 6 7 8 9 210

稽首歸依輪足光

乘究竟乘出三界

敬禮天人歸依足

輪光普照三有苦

衆生未得脫苦門

皆悉歸命輪光足

我等輪迴未出離

如何輪足見放捨

哀哉哀哉諸衆生

長夜莫覩輪足光

悔過世尊大慈悲

示敬千輻輪光足

哀哉今遇輪光相

自此當何復再覩

爾時迦葉與諸弟子說是偈已復重悶絕昏迷瞬地
良久漸醒悲哀哽咽不能自裁大覺世尊千輻輪相
金剛雙足還自入棺封閉如故爾時城內一切士女

天人大衆見大迦葉復重號哭槌肩大叫哀震大千
無量世界各將所持悲哽供養爾時拘尸城內有四
力士瓔珞嚴身持七寶炬大如車輪燭光普照以焚
香樓茶毗如來炬投香樓自然殄滅迦葉告言大聖
寶棺三界之火所不能燒何況汝力而能焚耶城內
復有八大力士更持七寶大炬光燭一切將投棺所
亦皆殄滅城內復有十六極大力士各持七寶大炬
來投香樓亦悉殄滅城內復有三十六極大力士各
持七寶大炬來投亦皆殄滅爾時迦葉告諸力士一
切大衆汝等當知縱使一切天人所有炬火不能荼

毗如來寶棺汝等不煩勞苦強欲爲作爾時城內士女天人大衆復重悲哀各以所持號泣供養一時禮拜右遶七匝悲號大哭聲震三千爾時如來以大悲力從心胷中火踊棺外漸漸茶毗經于七日焚妙香樓爾乃方盡爾時城內士女天人大衆於七日間悲號哭泣哀聲不斷各以所持供養不歇爾時四大天王各作是念我以香水注火令滅急收舍利天上供養作是念已卽持七寶金瓶盛滿香水復將須彌四埵四大香潔出甘乳樹樹各千圍高百由旬隨四大天王同時而下至茶毗所樹流甘乳王寫香瓶一時注火注已火勢轉高都無滅也爾時海神婆伽羅龍王及江神河神見火不滅各作是念我取香水注火令滅急收舍利住處供養作是念已各持寶瓶盛取無量香水至茶毗所一時注火注已火勢如故都亦不滅爾時樓豆語四大天王及海神等汝注香水令火滅者可不欲取舍利還本所居而供養耶答言實爾樓豆語四大天王言汝大貪心汝居天上舍利隨汝若在天宮地居之人如何得往而供養耶復語海神汝等住在大海江河如來舍利汝收取者地居之人如何得往而供養耶爾時四大天王卽皆懺悔悔已各還天宮

0123456789200123456789210123456789220

爾時大海江河神等皆亦懺悔誠如聖言悔已各還
聖軀廓潤品第四

爾時帝釋持七寶瓶及供養具至荼毗所其火一時
自然滅盡帝釋卽開如來寶棺欲請佛牙樓豆卽問
汝何爲耶答言欲請佛牙還天供養樓豆言莫輒自
取可待大衆爾乃共分釋言佛先與我一牙舍利是以
我來火卽自滅帝釋說是語已卽開寶棺於佛口
中右畔上領取牙舍利卽還天上起塔供養爾時有
二捷疾羅刹隱身隨帝釋後衆皆不見盜取一雙佛
牙舍利爾時城內一切士女一切大衆卽一時來欲

諍舍利樓豆告言大衆當知且待安詳如佛所說應
當如法共分供養爾時城內士女一切大衆不聞樓
豆所言乃各執持矛矟弓箭刀劍胥索一切戰具各
自莊嚴欲取舍利爾時城內人衆卽開佛棺兜羅白
氈宛然不燒大衆見已復大號哭流淚盈目各將所
持悲哀供養深心禮拜流淚長跪同說偈讚

如來以大自在力 於一切世得自在

大悲本願處斯土

周旋苦海度衆生

無量智慧神通力

出沒生死無罣礙

能以一身爲多身

多身一身爲無量

1 2 3 4 5 6 7 8 9 200 1 2 3 4 5 6 7 8 9 210

神變普應咸皆見

無緣卽現入涅槃

我等福盡無應緣

故乃如來見放捨

佛於娑羅寶棺中

大力士舉皆不起

大悲之力自輕舉

昇空高一多羅樹

乘虛徐遶拘尸城

七日大聖達七巾

遶已自臨荼毗所

不共神力所施爲

一切天人莫能測

佛於大般涅槃中

金剛不壞力自在

一切荼毗火不然

自於心中出慈火

焚燒七日示現盡

天人不能滅此火

如來大悲示應力

帝釋來至火便滅

妙塔羅綿纏佛身

大火焚燒都不然

白疋隨佛寶棺內

火中儼然而不燒

方知如來自在力

於法自在爲法王

敬禮大悲三界尊

敬禮聖中無畏者

敬禮普覆大慈力

敬禮神變自在者

我等從今離世尊

沒苦無能見救護

哀哉哀哉大聖尊

方今長別何由別

爾時大衆說是偈已重復悲泣各以所持盡哀供養
爾時樓豆普爲天人一切大衆與城內人共於棺所

1 2 3 4 5 6 7 8 9 200 1 2 3 4 5 6 7 8 9 210

徐舉曰：毘及兜羅綿其迦葉等白毘千張火不能燒其城內人白毘千張除外一雙餘者灰燼其兜羅綿宛然如故爾時樓豆取此白毘及兜羅綿細破分之與諸大眾令起寶塔而供養之樓豆復取毘灰亦細分衆令起寶塔而供養之其餘燼灰無復得分衆各自取起塔供養其城內人先已遣匠造八金壇八師子座各以七寶而爲莊嚴其七寶壇各受一斛各置七寶師子座上且八師子七寶之座座別名有三十二力士各嚴七寶瓔珞雜綵纏身共舉七寶八師子座座上復各有八姝女身嚴七寶瓔珞雜綵持七寶

壇上座復各有八姝女嚴身瓔珞執七寶蓋覆金壇上座上復各有八姝女身嚴瓔珞持七寶劒衛七寶壇座上復各有八姝女身嚴瓔珞執雉毛纛豎壇四面座別各有無量人衆持妙音樂幢旛寶蓋華香瓔珞圍邊供養座各復有無量人衆各持弓箭矛矟罿索長鉤一切戰具而圍遶之從拘尸城前後圍遶向荼毗所其八師子七寶之座出城去後城內人衆卽持無數香泥香水尋力士後平治塗地作香泥路廣博嚴事向荼毗所其路兩邊無數寶幢旛蓋香華真珠瓔珞衆妙雜綵音樂弦歌嚴飾路邊儼然奉待大

聖世尊舍利而還其諸力士持八師子七寶之座圍
遶至茶毗所卽大哀泣號哭哽咽聲震大千各以所
持深心供養爾時世尊大悲力故碎金剛體成末舍
利唯留四牙不可沮壞爾時大衆旣見舍利復重悲
哀以其所持流淚供養爾時樓豆與城內人涕泣盈
目收取舍利著師子座七寶塲中滿八金塲舍利便
盡爾時一切天人大衆見佛舍利入金塲中重更悲
哭涕泣流淚各將所持深心供養爾時城內諸大力
士及諸士女將欲持佛舍利金塲向拘尸城爾時大
衆復重悲哀各將所持流淚供養爾時城內諸大力
士及圍遶眾并城內人悲咽流淚舉八師子七寶之
座隨香泥路廻向拘尸爾時一切人天大衆復大悲
哀聲震世界各將所持隨從舍利哀號供養如來舍
利至城內已置四衢道中爾時拘尸城人卽嚴四兵
無數軍衆身著甲鎧各執戰具遶拘尸城四面周布
無數重兵儼然而住擬防外人來抄掠故雖爲儀式
無戰諍心復有五百大呪術師守城四門爲遮難故
復有無數寶幢旛蓋微妙莊嚴大雄毛纛於城四維
儼然供養爲標式故爾時城內一切士女天人大衆
復大悲哀各將所持深心供養其舍利塲置師子座

經于七日於七日中一切大衆日夜悲號哀聲不斷
盡以所持深心供養其八師子七寶之座各有五百
大呪術師各共持之遮有天龍夜叉神鬼來欺奪故
經七日間爾時如來本生眷屬迦毗羅國王諸釋種
等佛神力故都不覺知佛入涅槃佛涅槃後經三七
日爾乃方知時彼國王諸釋種等悲哭號泣卽共疾
來至拘尸城見諸兵衆無數千人圍達城外復見寶
幢旛蓋列城四維映發國界復見大呪術師守城四
門王及釋等問呪師言佛涅槃耶答云佛涅槃來過
四七日荼毗已竟將分舍利王言我等是佛所生眷
屬佛神力故令我不知如來涅槃我今欲見如來舍
利卿可開路令我得入呪師兵衆聞是語已卽聽入
城王及釋種得入城已見佛舍利在師子座悲號哽
咽涕淚交流右遶七匝遶七匝已拭淚而言我今欲
請如來舍利一分將還供養大衆答言雖知汝是釋
種眷屬然佛世尊先已有言分布舍利未見及汝各
有請主汝如何得汝可還邪爾時王及釋種不果所
請號哭悲哀悶絕躋地良久乃醒悲不自勝語衆人
言如來世尊是我釋種愍汝等故於此涅槃汝等如
何見有欺忽不分我一分舍利作是語訖各禮舍利

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

右邊七市悲泣流淚心生忿恨慨悼還家爾時摩迦陀主阿闍世王害父王已深生悔恨身生惡瘡既遇世尊月愛光觸身瘡漸愈來詣佛所求哀懺悔世尊大悲卽以甘露微妙法藥洗蕩身瘡極重罪滅卽還本宮都不覺知如來涅槃於涅槃夜夢見月落日從地出星宿雲雨繽紛而墮復有煙氣從地而出見七彗星現於天上復夢天上有大火聚徧空熾然一時墮地夢已尋覺心大驚顫卽召諸臣具陳斯夢此何祥耶臣答王言是佛涅槃不祥之相佛滅度後三界六生六道有識煩惱橫起故現大火從天落地佛入滅度月愛慈光慧雲普潤悉皆滅沒卽夢月落星落地者佛涅槃後八萬律儀一切戒法衆生違反不依佛教乃行邪法墮於地獄日出地者佛涅槃後三塗惡道苦聚日光出現世間故感斯夢王聞是語將諸臣從夜半卽來至拘尸城見諸無數四兵之衆防衛拘尸無量重數復見城門有呪術師防止外難王見是已卽問呪師佛涅槃耶呪師答言佛涅槃來已經四七當今大眾將分舍利王言佛入涅槃我都不知道我於夜夢見不祥事以問諸臣方知如來入大涅槃我欲入城禮拜如來金剛舍利汝爲通路呪師聞已

即聽前入王至城內四衢道中見師子座舍利金塲
復覩大衆悲哀供養王與從衆一時禮拜悲泣流淚
右遶七匝哀慘供養爾時王就大衆請求如來一分
舍利還國供養大衆答言何晚至耶佛已先說分布
方法舍利皆已各有所請無有仁分仁可還宮阿闍
世王不果所請愁憂不樂即禮舍利惆悵而還爾時
毗離外道名王佛涅槃後經三七巴爾乃方知即將
臣從疾往拘尸既至拘尸即見無數四兵之衆防衛
拘尸遶無量重爾時阿勒伽羅王佛涅槃後經三七
巴爾乃方知即將臣從疾往拘尸既至拘尸即見無
數四兵之衆防衛拘尸遶無量重爾時毗離國不畏
王佛入涅槃經三七巴爾乃方知爾時遮羅迦羅國
王佛入涅槃經三七巴爾乃方知爾時波肩羅外道名王
佛入涅槃經三七巴爾乃方知即將臣從疾往拘尸
既至拘尸即見無數四兵之衆防衛拘尸遶無量重
復見城門有大呪師防止外難王問呪師佛涅槃耶
答言佛涅槃來已經四七當今大衆將分舍利王語
呪師佛入涅槃我都不知道故今晚至我欲入城禮拜
供養如來舍利汝可開路呪師聞王即聽前入至四

1 2 3 4 5 6 7 8 9 200 1 2 3 4 5 6 7 8 9 210

衢道見師子座七寶莊嚴安置舍利七寶金塲復見大衆悲哀供養王將徒衆一時禮拜悲哀流淚右遶七匝各齋所持悽慘供養王語衆言佛入涅槃我都不知一何苦哉不得見佛請衆與我一分舍利還國供養衆言汝何來晚佛已先說分布法軌舍利皆已各有所請無有仁分仁可還宮王及臣衆不果所請愁憂不樂卽禮舍利悲戀而還爾時迦毗羅等七國王臣不果所願心懷悲憤慨戀而還各至本邑咸遣使臣同詣拘尸再求舍利城人報曰世尊慈父旣於我界而般涅槃全身舍利應留永劫於此供養終不

分與外邑諸人諸國答曰若分者善若不與者我等當以彊力奪取城人告曰徒事鬪諍終不可得闍王復使兩行大臣馳兵請分告城人曰若與者善若不見分我加兵力彊奪將去答言任意爾時拘尸城中所有壯士男女並閑弓射卽便總出嚴整四兵欲與諸邑交兵合戰爾時毗離國諸黎車種遂集四兵往拘尸城在一面住阿勒國諸刹帝利亦集四兵在一面住毗鄰國諸婆羅門亦集四兵在一面住遮羅迦羅國諸釋子亦集四兵在一面住師迦國拘樓羅亦集四兵在一面住波肩羅國力士亦集四兵往拘尸

1 2 3 4 5 6 7 8 9 210 1 2 3 4 5 6 7 8 9 210

城在一百住爾時拘尸那城七軍圍遶爲舍利故各欲奪取爾時大衆中有一婆羅門姓煙在八軍中高聲大唱拘尸城諸力士主聽佛無量劫積善修忍諸君亦常聞讚忍法今日何可於佛滅後爲舍利故起兵相奪諸君當知此非敬事舍利現在但當分作八分諸力士言敬如來議爾時姓煙婆羅門卽分舍利以爲八分作八分竟高聲大唱汝諸力士主聽盛舍利瓶請以見與欲還頭那羅聚落起瓶塔華香旛蓋妓樂供養諸力士答言敬從來請爾時必波延那婆羅門居士復以高聲大唱拘尸城中諸力士主聽燒佛處炭與我欲還本國起炭塔華香妓樂供養諸力士答婆羅門言敬從來請爾時拘尸城諸力士得第一分舍利卽於國中起塔華香妓樂種種供養波肩羅婆國力士得第二分舍利還歸起塔種種供養師伽那婆國拘樓羅衆得第三分舍利還歸起塔種種供養阿勒遮國諸刹帝利得第四分舍利還國起塔種供養遮羅迦羅國諸釋子得第七分舍利還國起塔華香供養摩伽陀主阿闍世王得第八分舍利還

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

王舍城起塔華香妓樂種種供養姓煙婆羅門得盛
舍利瓶還頭那羅聚落起塔華香供養必波羅延那
婆羅門居士得炭還國起塔供養爾時閻浮提中八
舍利塔第九瓶塔第十炭塔如是分布舍利事已時
諸菩薩及聲聞衆天人龍鬼國王長者大臣人民一
切大眾悲號涕泣槌脣大哭五體投地作禮而去

大般涅槃經後分卷下

音釋

毘

徒協切細

懊惱懊烏皓切惱奴皓

啼

於禽切極

啼無聲也

唚

於禽切

絕也

芬

芬撫切馥房六

馥香氣也

甦

素姑切死

更生也

殄

徒典切

燄絕也

燼

火餘切

塲

徒含切

薰

徒到切

燭

火離切

焰

臣庚切

焰

立也

鐸

武粉切

鑑

苦蓋切

鑑

憇

火燄也

懼

懼也

涕泗

涕泗音四

脣

脣徂奚切

輜

輜方六

切

抄掠

抄掠切

劫取

劫取也

挾

挾也

慨

感激也

憤

憤房吻切

憤

憤切

彗

彗祥遂切

彗

彗星也

始蘇中書舍人徐濬施賈刻此
大般涅槃經後分下卷計字八千五百二十箇

該銀三兩八錢四分

天啓甲子歲次孟春吉日吳江接待寺識

1 2 3 4 5 6 7 8 9 200 1 2 3 4 5 6 7 8 9 210

佛說方等般泥洹經目錄

卷上

哀泣品第一

四童子現生品第二

四童子品第三

卷下

囑累品第四

度地獄品第五

現諸佛品第六

佛國淨品第七

天菩薩品第八

如來化說法品第九

佛說方等般泥洹經卷上

西晉三藏法師竺法護譯

哀泣品第一

聞如是一時佛遊鳩夷那竭國雙樹間力士所生處時佛欲般泥洹告賢者阿難言多陀竭出於世間般泥洹時本瑞云何如今日寧見聞叢樹間感應不乎答吾所問爾時阿難以偈答佛言

願聽我所夢 其色近可怪 憶夜之所見

心竊爲危懼 夢此閻浮提 有樹生甚奇

七寶雜校成 華實常豐茂 覆蓋佛世界

0123456789200123456789210123456789220

其陰清且涼 開發踊躍意 滅除衆憂病
上行高無極 姿好亦無數 見者眼清淨
聞者耳徹聽 樹出無量音 清淨之法音
具足空寂滅 則令一切安 其樹奮大光
徧照東方刹 其數如恒沙 諸佛之國土
亦照於十方 蠕動荷救護 一切蒙光者
安隱難思議 樹出衆名香 器有百種分
其有聞香者 終不歸惡道 地獄以畜生
及在餓鬼路 於彼聞是香 疾得生善處
大樹德如是 苞潤衆生類 忽然於樹間
沒于力士地 於時無數千 羣萌不可計
悲泣悉哀慕 如盲失其目 不復聽其聲
亦不見樹形 又不聞其香 虛劣若飢人
恐懼衣毛豎 畏怖情使然 於夜夢如是
願尊爲解說

爾時淨居天子釋梵四天王魔子導師各與八十那
術之衆俱到力士所生處叢樹間前詣佛所稽首作
禮却住一面同時舉聲爲賢者阿難說偈言
尊天今滅度 阿難豈知耶 嘴呼感戀毒
佛將般泥洹 大燈翳無明 佛今欲滅度

世尊般泥洹 違遠於擁護

於是佛爲諸天子釋梵四天王魔子導師說偈言
汝等勿愁憂 所夢無有異 我於雙樹間

今當般泥曰 樹中之最樹 琦妙難可量
光香甚殷盛 没於叢樹下 世尊譬大樹

復在叢樹中 寂處無有識 如火得水消
萬物皆無常 法起當有滅 世雄之所了

是故爲人說 阿難知之乎 佛尊猶泥曰
造迦利比丘 智通度彼岸 阿難汝今往

告勅釋須檀 尊者阿那律 徹視度無極
阿難行告語 拘絺迦旃延 分耨文陀弗

菩提及摩夷 須菩提面王 善來覺薄拘
難陀羅雲停 度知際馬師 一切諸比丘

來度恐畏者 疾去悉告語 令知我泥曰
爾時阿難以偈答世尊言

我身已疲極 譬如飢羸人 聞佛泥曰故
愁慘不自勝 其身無有力 口亦不能言

志意加怯劣 世眼云何行 不任告尊者
今世不可念 適見便不現 永失於擁護

無護甚勤苦 何忍任往告 尊者聞此問

012345678921012345678922

安能堪惶懼 世間大光明 滅盡爲甚疾
棄世亦何速 厥難遂盲冥 不任詣長老
陳此酸毒事 正覺願更遣 無有愁感者
於是佛爲阿難說偈言

阿難巨億大 啼泣感悲哀 宮殿難檀廬
空虛無人天 宣告諸比丘 侍者之常業
泥曰後來者 得無益哀酷

爾時賢者阿那律於須彌山頂爲忉利諸天廣講法語見諸大尊神妙天子各從宮殿遑遑不安阿那律心念言此諸天子何故棄捨天妓之娛擾擾上下或飛或走眷屬離散其虛空處忽不復現時阿那律從須彌頂遙見寶積山下之地於是阿那律立須彌頂舉聲以偈讚歎佛言

導利於羣黎 施世之安隱 正覺爲衆祐
云何便泥曰

嗚呼世尊喻父母 爲世之眼除諸冥
爲世良醫療衆病 今世尊雄便泥曰
見姪怒人好放逸 覺悟愚癡斷生死
爲法尊上傷慳貪 令離瞋諍立大道
天中天尊右金臂 枝拭一切授正戒

佛動是國六震地 周徧世界聞大音
如大石山一旦崩 其音宣廣聞者憚
世雄如是今泥曰 音暢遐方聞摧悴
魔兵興惡若干變 金剛器械不可數
有戴大山或持火 世雄威光毛不動
降伏怒害魔官屬 得甘露跡無憂懼
便轉法輪解四諦 今日尊雄便泥曰
世尊見化無數種 三千世界如一毛
能令眾生無毀害 今日尊雄便泥曰
今天平天爲來入 至于力士所生地

五百眷屬圍遶佛 於雙樹間便泥曰
佛天中天百世來 奉行四禪開度人
所修行道闡甘露 我最後見佛泥曰
所遊往來無生死 其惠布施無悔恨
其奉正戒無諛詣 我最後見佛泥曰
於億劫中那術數 所爲精進無過者
忍辱無量譬若地 我今後見佛泥曰
佛天中尊所生處 供養諸覺億那術
致甘露跡志惟壹 我今後見佛泥曰
佛天中尊所生處 智慧第一了三達

1 2 3 4 5 6 7 8 9 210 1 2 3 4 5 6 7 8 9 210

十方世雄無量礙 今我後見佛泥曰
大力有十等一切 勇無與等立金剛
求比難比無殊者 我今後見佛泥曰
十力世雄相嚴身 所周旋處光巍巍
進止所歷如金模 我今後見佛泥曰
化億那術立道證 消盡諸欲無塵垢
濟人生死燒勤苦 我今後見佛泥曰
天億那術立虛空 我今後見佛泥曰
雨雜名香天芬熏 我今後見佛泥曰
佛人中尊行住立 若入都邑路門間
盲者得眼覩諸色 我今後見佛泥曰
佛人中尊蹈門時 病者得愈懷喜踊
一切安隱脫勤苦 我今後見佛泥曰
佛入城時拘閉解 長得安隱自歡娛
愁苦休除慧最上 我今後見佛泥曰
身不知老無死憂 已脫衆礙智無雙
爲人泰祖無過佛 我今後見佛泥曰
十力世尊上忉利 度母摩耶立妙道
化那術天不可計 我今後見佛泥曰
第七梵天住衆疑 佛裂其網授道真

1 2 3 4 5 6 7 8 9 200 1 2 3 4 5 6 7 8 9 210

彼王自投來稽首 我今後見佛泥曰

有兇暴賊罪力強 降立害者甘露道

納那術人無央數 我今後見佛泥曰

調達懷毒兇恚盛 驅作醉象力難當

佛於大城令調伏 我今後見佛泥曰

佛於衆會法導人 能動天地震山陵

大海波蕩水居擾 我今後見佛泥曰

是時阿那律說此偈已應時佛放威神令閻浮提所在比丘除大迦葉眷屬餘盡來會三千大千世界諸天龍神犍沓惄阿須倫迦留羅真陀羅摩睺勒衆等共到力士生地詣佛所稽首作禮皆大啼哭舉聲呼佛思慕崩絕如喪父母各各相牽共悲泣者還顧相視共淚出者或手相搏拍臍拍頭或閉目閉目諸根變異面貌憔悴肌色面皺或有却行右膝著地呼嗟枝眼涕泣交橫悲哀歎佛皆言毒痛嗚呼世雄嗚呼大醫嗚呼師子嗚呼法王嗚呼日月王嗚呼覺正覺嗚呼大光明施甘露無量跡如是號咷或有自撲而躰地者或有覆面拍地者爾時阿難從座起下互跼累膝兩手據地仰向視佛而說偈言

見人衆號慕 皆與悲毒俱 各各號哭哀

1 2 3 4 5 6 7 8 9 210 1 2 3 4 5 6 7 8 9 210

益令我酸毒 譬如賈客行 中道逢劇賊
逢見大火光 若草懼熑然 因見熑火故
其心爲恐惶 意以懷悚慄 拜天從求哀
我情勤無極 憂鬱焉可勝 又見承庶人
悲呼舉兩臂 惟慮去來事 願佛住一劫
今日何忍見 尊人般泥曰 我常行求佛
不見天中天 祇洹用丘空 但覩於餘人
若入維耶離 豪右問訊佛 無上尊所生
我當云何答 無央數千人 泣涕淚流面
無上釋師子 仁今使安在 諸人哀哭催
無不思見佛 云何入大城 違遠人中尊
當立於誰後 當與誰持鉢 爲誰掌衣被
誰當親勸我 誰當爲我說 聞持是何謂
誰解我疑言 阿難知如海 從誰聞正法
深奧難解句 我等從何受 無量興妙法
爾時佛告阿難汝爲如來於雙樹間敷師子牀所以
者何多羅竭於夜半時乃般泥洹與本願合故也於
是阿難啼從座起於力士地雙樹下敷師子牀令北
首敷已說此偈言

今爲大神通 最後敷此牀 終始不能得

0123456789200123456789210123456789220

復安清淨坐 我當何忍人 於是嚴樹間
光明令滅度 遠離於至尊

於是阿邢律爲阿難說偈言

佛從本已說 萬物盡無常 獨不得自在

於是何爲啼

爾時阿難以偈答阿邢律言

云何說是談 仁便答我意 見尊般泥洹

仁豈無憂耶

是阿邢律以偈答阿難言

我見人哀危 動與憂惱俱 我淚流滿目

悲涕潺橫流 我亦察天人 以天眼涕泣

我亦用是故 悲吒增悒毒 不用啼哭故

便可有所得 是故勉喻人 莫啼亦勿愁

四童子現生品第二

爾時世尊從座起入雙樹間於師子牀上右脅倚臥
臥已應時東方去此百億萬佛國有佛號師子響作
如來今現在說法其世界名解脫華佛告阿難彼之
世界何故名曰解脫華乎常以七寶華徧布滿地無
有空缺其華柔軟色甚鮮好出一切香有七寶樹以
寶合成有栴檀樹以諸栴檀共相裝校其色妙絕種

1 2 3 4 5 6 7 8 9 200 1 2 3 4 5 6 7 8 9 210

種無數有樹常出妓樂之音音節和雅無量調合有
樹常出七寶之器種種具足有樹常出衆寶瓔珞無
量之飾其國土有無數寶園以衆七寶轉雜相成如
天所有所止宮殿以諸如意摩尼天珠紫磨黃金校
鏤相成譬如第六天上所居宮殿其菩薩大士生彼
佛國者皆離世會專尚法講神通大聖度於無極得
諸佛法高明之慧所問能答及離世間所語所念常
志法事以善方便現於內明遠諸諛詭得法會離諸
想得智慧度無極度彼岸已具足學善權方便常供
事諸佛離於世語但說不退轉菩薩法事是諸菩薩
不樂餘話但議菩薩陀隣尼金剛行法三品清淨諸
佛功德力無所畏是故彼界名解脫華彼有菩薩名
善思義忽遷神命生闍浮提羅閱祇國爲王阿闍世
作子適生卽便結跏趺坐而說偈言

吾今所以從 師子響刹來 欲見釋迦子
正覺爲在不

於是又有他天爲童子說此偈言

今日人中尊 穪師子垂衣 當於雙樹間
寂然定泥已

爾時童子以偈答天言

1 2 3 4 5 6 7 8 9 210 1 2 3 4 5 6 7 8 9 210

吾從東方來 經百億萬刹 至於釋師子
欲聽聞上法 今日人中尊 當寂取泥曰
至此吾有緣 不以無緣到 今日吾來至
佛當般泥曰 天上及世間 尚憂何況我
發意頃不住 卽欲往見佛 吾來至於此
有益不唐舉 佛興難可值 故啓大王言
莫得爲放逸 當詣多陀竭 億百千劫中
時有一佛起 於德化當知 無枉衆庶民
今日於大王 諫寤國之尊 放意從欲故
云何絕父命 習近惡知識 調達則大賊
王從彼受教 斷絕父之命 起於吾我想
癡欲造逆害 王父爲法行 則佛之子孫
王已得其罪 爲犯於逆事 以故墮沉冥
阿鼻摩地獄 喜意淨信佛 便當得解脫
然後爲人尊 卽可得正覺 佛般泥曰已
正覺難復見 但能得供養 於無我舍利
吾不以欲故 來到於此國 大王見忍從
我欲往見佛 今日夜半時 世尊當泥曰
吾從師子響 聞佛說如是 我欲見佛故
故至此忍界 敬謝中外親 諸家且自安

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

我當往觀佛 神通生死盡 欲見佛者俱
前侍尊泥曰

於是王阿闍世以偈告子言

子汝且忍於是夜

我當求勇并力往

力士之土去此遠

不可便以車乘至

爾時童子以偈答父王阿闍世言

我精進力甚衆多

發意之頃便能來

是夜能越無數劫

我不懈怠如大王

我今日夜所從來

亦不可計甚長遠

超越中間無數國

力士之處何足言

爾時童子從座下步行出羅閱祇大城便說偈言

其欲生天離地獄

欲得名聞爲尊雄

可疾隨我後從來

當前詣佛最泥曰

童子適出羅閱祇大城說此偈已應時城中二萬人
無數億天龍鬼神犍沓惣阿須倫迦留羅真陀羅摩
睂勒來會於是與若干之衆圍遶共到力士生地雙
樹間至佛所爾時佛於師子牀上右脅倚臥時南方
去此五十萬佛國有佛號寶積示現如來今現在說
法其世界名寶種彼有菩薩名曰喜信淨忽遷神命
生闍浮提舍衛大城爲師子長者作子適生即便結

軀趺坐說此偈言

所以手足施 及用耳與鼻 至于億世中

忍以頭爲惠 勇惠施無懼 妻婦及男女

欲度一切故 釋尊豈在不 所以億劫中

肌肉施於人 欲度衆生故 世眼爲在不

於是師子長者卽恐懼衣毛爲豎以偈問子言

爲天犍沓惱 鬼神真陀羅 嬰孩能讚歎

辯才說妙言 中外皆怪怖 小大馳四散

吾用聞佛聲 是故獨不去

爾時童子以偈答父言

我爲天亦龍 亦鬼真陀羅 我爲天中天

亦爲人長者

於是師子長者以偈問子言

用聞是語故 子益令我疑 所歎乃如是

文使我增恐懼 云何爲天龍 何鬼犍沓惱

童子何謂天中天 何謂子爲人

爾時童子以偈答父言

南方有佛名 寶積如來尊 我從彼刹來

今至此佛國 怒害我爲釋 爲六天亦然

若苦則爲梵 亦作轉輪王 於彼咸龍像

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

爲神至於此 鬼色犍沓想 長者當是是
 我當爲一切 哀傷設擁護 致得天人尊
 覺則爲上度 我所化亦久 從劫至億劫
 終無有盡時 長者我欲去

童子白父言寶積示現如來所說當學不當習諸入
 之事所修當念行廣大之業菩薩有三法行疾得阿
 惟越致無上正真道何等爲三一者種種深覺二者
 入無數意三者念要句三昧是爲三法行菩薩疾得
 阿惟越致無上正真道於時師子長者告子言我未
 知是處童子以偈現說其處

深慧難曉亦難了 世間皆疑於是句
 一切了知是義者 惟獨有佛多陀竭
 佛所解句無瑕穢 已有無想爲上智
 其無思念清淨道 不行想行是謂智
 無央數意無有意 心之所入志寂定
 無所入者是謂意 此意則爲見一切
 金剛三昧得上覺 於是之句無入句
 我立於信妙金剛 此之句跡謂上要
 彼斷要者不爲信 佛讚信法爲持最
 是一切法爲如空 習行三昧得爲佛

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

一切所知無有智 一切所行無有行
一切所學無有學 一切所說無有說
深入慧者無法想 入於寂定無寂想
雖成覺道無覺想 度脫人民無人想
是之勇猛離見網 皆覺了究深道事
入於一切生死海 度脫羣萌諸起滅
於是童子說此偈已師子長者及二百人具足發無
上正真道意應時得不起法忍八億天發無上正真
道意卽立不退轉地成無上正真道四那術人遠塵
離垢得諸法眼淨爾時童子便說偈言

吾不徒爾來 有勸釋尊教 度脫無億數
令發佛道意 於釋師子法 懷來宣善義
立人於忍地 無得不退轉 我立父兄弟
諸家於佛道 八億諸天人 皆命志大乘
我爲一切人 除其貧窶行 我爲得法利
難計難思議

爾時童子說此偈已與父母及百千億人無數億天
龍鬼神犍沓惣阿須倫迦留羅真陀羅摩睺勒眷屬
圍遶往到力士生地詣於佛所是時佛於師子牀上
右脅倚臥時西方去此八十億萬佛國有佛號妙樂

如來今現在說法其世界名樂園彼有菩薩名曰空無忽遷神命生闇浮提於波羅奈城爲須福長者子適生便結跏趺坐說此偈言

法本爲空無 欲有則爲著 不得脫勤苦

常立於憤惱 法爲不可得 是謂爲定止

亦盡亦無盡 彼爲悉無有 空者不知習

亦不無有習 彼若無因緣 何從有所緣

彼所可說法 深寂亦難解 釋師子人尊

正覺爲在不 大師子震吼 梵音無起滅

今日於樹間 光日沒不現 佛於衆僧中

譬如月盛滿 諸人不復見 世雄說法時

佛於衆僧中 如踞須彌頂 世尊不復樂

出入於城中 爲天世吼導 說空無我法

一切不復得 聞服大音聲 離吾無有我

讚唱於空法 今世尊泥曰 寂疾於樹間

爾時童子說此偈已應時波羅奈大城中十萬人同時舉聲俱讚歎言未曾有也此幼童子乃能有是深智慧意智慧入智慧光明智慧清淨智慧高明說上妙偈生而逮忍響慧權慧其處難及所未嘗有其身未長乃有大力譬如目見如來正覺願令我等智慧

如是童子曰仁等真願是智慧當願如佛之智慧微妙無合會寂無與等者離諸所有高明無損致諸行法一切善本一切諸佛力無所畏立於大慈大哀仁等當願得此智慧我今與仁當共發無上正真道意應時大衆俱發無上正真道意尋爲說法皆立不退轉成無上正真道仁等已發大道意便可共往見如來無所著等正覺於是童子與父母及十萬人無數億天龍鬼神犍沓惣阿須倫迦留羅真陀羅摩睺勒眷屬圍遶到力士生地詣佛所是時佛於師子牀上右脅倚臥時北方去此六十四萬億佛國有佛號覺跡如來今現在說法其世界名華跡彼界及樹華實晝夜常出覺華行之音諸天龍鬼神犍沓惍阿須倫迦留羅真陀羅摩睺勒其聞音者皆立覺跡之道行彼如來有是德其有人見覺跡行光明者皆得不退轉無上正真道彼如來本願之所致佛語阿難覺跡如來華跡世界無求二道者亦不放人求亦不爲弟子緣覺之乘也但覺大乘亦教勸人佛言覺跡如來作佛以來六十萬四千劫無弟子緣覺衆惟有菩薩衆譬如轉輪聖王其子衆多以子爲臣子爲門監子爲侍者覺跡如來國亦如是惟以諸菩薩爲輔弼以

1 2 3 4 5 6 7 8 9 200 1 2 3 4 5 6 7 8 9 210

諸菩薩爲元首以諸菩薩爲珍寶以是故其佛國諸菩薩充滿具足爲佛境界阿難覺跡如來世界所有移植熾盛安隱快樂菩薩輻湊周徧清淨無不神通者也以諸金剛爲財物合會所聞聞無疑結其會所聞皆精進行以法意會皆勤力行勉修定意一切遵習諸總持門積於智慧平等之要彼有菩薩名神通華忽遷神命生闇浮提維耶離大城中爲師子王兵臣作子適生便結跏趺坐說此偈言

於釋釋中尊 善說上妙法 度脫億億人
正覺爲在不 法意所隨起 其意不可得

三界無與等 正覺爲在不 無世尊無色
於人無所比 無有與等者 明眼爲在不
精進度無極 一心禪三昧 智慧譬如海
正覺爲在不

於是覺跡如來化作天像童子說偈言

正覺住一劫 當復過是數 正覺後故在
可住自娛樂 童子且習欲 是爲大王家
鼓樂弦清曲 簫成以自娛
爾時童子以天意根說偈報覺跡如來言
其有隨欲者 此人則爲癡 不了解正覺

及佛之教戒 猪馬及駱駝 狐狼之與驢
是輩爲習欲 非佛子所行 盲聾無所知
瘡瘍不能言 是輩爲習欲 非佛子所行
飛蛾蜜蜂蠅 馬畜不自知 是輩爲習欲
非佛子所行 假使閻浮刹 合滿其中火
寧墮於其中 不習於欲事 樂欲以爲上
於欲何足習 其有稱譽欲 是爲不知法
不以貪欲故 被蒙見識別 佛化來問我
我謂爲是天 我從佛所聞 法王說如見
今日夜半時 生尊當泥洹 我當歸處佛
神通無起滅 欲往可共俱 詣於尊泥曰
覺跡天中天 人中尊說爾 得善度無極
以光導御人 於百千劫中 所建功德事
不如泥洹曰 世尊之所度 福覆一切者
是世爲擁護 今佛當泥洹 衆生復勤苦
佛爲一切眼 今日當泥洹 是世當更遇
值於大閻冥 醫王滅衆病 今日當泥洹
以無人中尊 世間甚勤苦 能斷一切疑
今日當泥洹 是世狐疑者 當復轉盛火
佛除姪怒癡 今日當泥洹 是世當復值

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

三火之興熾 爲一切所敬 天人所欽奉

今沒是樹間 衆庶永無見

四童子品第三

是時佛於師子牀上右脅倚臥應時四方有四童子以大功德而自莊嚴動爲感應往詣佛所此四童子所至郡國城郭縣邑一切人民無遠無近皆傾側瞻仰無不欣戴此四童子經行之時上諸天衆從四方來雨於天華徧滿其地於虛空中鼓億那術百千妓樂佛爾時於四面現四師子座於時阿難兒大變化在所色像以偈問佛言

世間之光明 誰於是四方 右敷師子座

願尊爲我說 世間之光明 誰於是四面

震動一切地 名山及大海 世間之光明

誰於是四方 四童子之來 爲僧那大鎧

世間之光明 誰於是四面 譬如夜半時

月出奮其耀 世間之光明 誰於是四方

人物一切動 江河水波蕩 世間之光明

誰於是四面 一切之音聲 皆隨四童後

世間之光明 誰與天神俱 譬如日月住

在於虛空中

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

佛告阿難汝寧見四方四童來不其威德光類面貌
 殊妙神明照耀端正無量其行具足有四種梵音入
 深施義有愧吉祥常自羞慚以自勉成其所至到輒
 度人民有智黠眼有威神德有布施戒忍精進一心
 智慧神通諸度無極皆起一切戒善法義譬如優曇
 鉢華億那術百千劫難值難見奉行無數諸佛之行
 於無量億那術百千佛所植諸德本各從四方諸異
 佛刹天中所來生此閻浮提聞我身當般泥洹欲見
 我般泥洹今日夜半如來當於力士所生地般泥洹
 定般泥洹佛告阿難見此童子從東方來者不乎安
 顏溫雅光色閑妙與無數億那術百千之衆眷屬圍
 達爲億天所供養天華妓樂來詣如來者阿難此童
 子於師子響作如來國來常於彼國作轉輪王典主
 千世界爲一切天人講說法事以神通慧聖賢之智
 往來周旋曾無斷絕治國積十八億歲於十八億歲
 中教授十八億那術菩薩令始發意立無所從生法
 忍應時捨家行學八十一億歲常修梵清淨之行八
 十一億歲未曾知坐八十一億歲未曾睡臥未曾念
 欲未曾念爭說未曾念毀害亦無欲想亦無事想無
 毀害想亦無地水火風想亦無說想亦無虛空想亦

無男子想亦無女人想亦無飢想亦無渴想亦無樹
想亦無我想亦無人想亦無城郭想亦無起滅想所
以者何是菩薩大士得滅諸想三昧空無想無願得
無起行三昧無滅三昧得一切菩薩三昧得越一切
陀隣尼門三昧皆得一切善權方便得神通智慧度
無極得一切菩薩大慈哀行於一切世界轉法輪立
一切人於無上正真道所願轉於不退轉法輪如是
於一切有大哀令一切安隱童子之德無敷具足如
是爲復精進更行上二法何等爲二離於肉眼行彼
亦無離行說於法會行亦無說之想如是之比曾無
雜言但詠菩薩法品於八十億歲教授八十億那術
菩薩立於無上正真道皆始發意悉立於不起法忍
應時八十一億那術菩薩各各去至他方佛國天中
天所是諸佛一等以今日夜半同時於師子牀上右
脅倚臥是諸世尊皆名釋迦文皆於五濁惡世作佛
是諸佛天中天今日中夜皆於力士生地雙樹間當
般泥洹阿難如來皆知皆見不以肉眼見也復過見
比丘尼清信士清信女天龍鬼神健菴惣阿須倫迦
留羅真陀羅摩睺勒人非人其有聞是經法歡喜信

1 2 3 4 5 6 7 8 9 210 1 2 3 4 5 6 7 8 9 210

一發意頃勝於供養那術佛終竟那術劫也阿難此童子其智慧意如是今日於我法中一夜所開度蠕動之類勝舍利弗及一切弟子從本已來所教授若一劫壽說法所不能及也此童子所度人民功德無量乃如是佛告阿難寧見此童子從南方來者不乎譬如夏日之光照於水中如月盛滿有盛明也如持寶杖捶地已出大音譬如良工作金銀鉢其形圓好無有瑕穢已離於垢出五品具足音十品因緣音離六十二塵音百一品具足音五十種具足音十品手具足音十品眼清淨音妄行十六善音八部具足音十二事具足音千品金銀清淨音所信所生輒勝音音六品男子清淨微妙音其種具足音五億柔軟音有安隱想除勤苦音念如來有歡喜想音降伏魔力音壞見網音滅諸塵勞音有踊躍於佛想音安隱無生想音不退轉法輪音安隱寂音覺音一心法門三昧三摩越音十力無畏音大慈大哀音出十響音寶杖捶地出是輩聲阿難南方去是五十萬佛國有佛名寶積示現如來無所著等正覺今現在說法其世界名寶種彼世界所以名寶種其國無衆邪異道皆

富發無上正真道真人國也其國不聞穢濁塵勞之名也亦不聞三念名謂姪怒癡念也亦無男女想所以者何皆修清淨梵行彼國不以搏食養身其人惟有二食何等爲二樂歡喜說一切智以爲食彼亦無說二事弟子緣覺乘也但說一切智事如是專行一行菩薩法品天人亦諷誦此事阿難彼世界以是名實種若他方世界菩薩生彼佛國者適生卽立不退轉地無上正真道見無央數那術菩薩說如來一切事廣議菩薩法句適生一切佛國皆聞今日某菩薩生此佛國阿難我若一劫億那術劫說實種世界一人所行功德尚未竟亦不可以喻說盡也我但粗略爲汝說寶種世界之德耳喜信淨菩薩於彼神變生間浮提土欲見我般泥洹時亦欲歎其本國功德宣彼佛之名字爲諸求菩薩道者故來自觀意無想也阿難是喜信淨菩薩本行菩薩道時於提桓竭如來世時轉輪聖王名祇世多從日出至早食時授教開度三十六億菩薩皆令發意立不起法忍提桓竭般泥洹已後出下鬚髮具足千歲中轉法輪度無數人然後日欲入時開導具足六十億菩薩令初發意立不起法忍應時令七十那術人漏盡意解阿難般

泥洹經所益義如是我若爲汝說喜信淨菩薩之功
德那術劫尚未竟也汝爲喜信淨菩薩於我前敷座
所以者何此童子行道已久心不疲厭其有聞喜信
淨菩薩名歡喜者如值佛世何況面自見踊躍者阿
難其有比丘比丘尼清信士清信女天龍鬼神犍沓
憇阿須倫迦留羅真陀羅摩睺勒人非人聞是經能
一發意頂戴歡喜如來皆見是輩吾豫記是等皆當
見寶積示現如來及寶種世界諸菩薩阿難默持是
經勿妄輕傳所以者何閻浮提人未曾聞是經未暢
菩薩無限之法故佛告阿難寧見此童子從西方來
者不乎舞其兩足駛駛其身地爲二返大震動見者
肅然衣毛爲豎降伏一切衆邪外道盡却一切諸魔
官屬壞諸住見令一切安隱除諸勤苦令一切歡喜
消諸地獄餓鬼畜生度脫一切令歸善道以大音救
濟衆生又見西方大香交露帳來不唯然天中天已
見阿難從西方來香交露者是謂導御一切菩薩之
香也汝豈復聞西方有大音聲出不空聲光明聲寂
定聲佛聲惟天中天已聞阿難此之所出四大音者
是空無菩薩緣身毛孔之所出也四大音聲柔軟可
意微妙無瑕出是聲時令六十八億那術百千人漏

1 2 3 4 5 6 7 8 9 210 1 2 3 4 5 6 7 8 9 210

盡意解六十八億那術百千人立不起法忍九億人
立不退轉地爲無上正真道使諸佛國各二那術天
遠塵離垢諸法法眼淨阿難西方去此八十億萬佛
刹有佛名妙樂如來無所著等正覺今現在說法其
世界名樂園阿難彼世界所以名樂園一切皆以佛
法爲樂珍寶爲人光明清淨不退轉菩薩大士所居
清淨諸菩薩無數無有弟子緣覺二乘也惟學一切
智乘但行佛道諸天皆立一切智其德音安諦解知
一切法界往來供養諸佛天中天以萬種物降伏衆
魔力化墮見人滅盡一切塵勞裂壞一切魔羅網志
於法品令一切立不退轉地不說餘乘但講一切智
事轉菩薩法品超諸勞塵之界無復魔行意無恚怒
行慈悲喜護一切一一諸毛孔出此六百不退轉法
聲菩薩法品之義得三脫門過於弟子緣覺之事度
於三界行一切法界於彼世界住皆見諸佛越一切
總持法門得諸佛之覺智得諸菩薩之三昧離諸惡
智斷諸疑結得諸佛身智之智得神通度無極離於
謾誨所願轉得供養諸佛立一切人於無上正真道
令多願人得無起度無極智當來劫菩薩之行所立
無瑕穢發意頃現生一切諸佛前無復生老病死啼

90123456789200123456789210123456789220

哭愁憂已得寂善權現三十二相裝校其色已得法
身現於凡身供養奉事一切諸佛心意踊躍好樂智
慧度於無極樂此之樂令餘人亦然其世界諸菩薩
所行所樂如是以故名曰樂園復次其樂園世界有
八種交道七寶浴池中有八味水滿其池其水底有
七寶沙中有四種蓮華青曰優鉢紅曰波曇黃曰拘
文白曰分陀利其光色具好有無數耀其國有八重
寶樹金樹銀樹瑠璃樹水精樹碑礫樹碼礮樹象腦
寶樹吉祥寶樹覺轉寶樹舍羅塞寶樹碧英寶樹月
光寶樹踰日月寶樹雜玉寶樹阿牟勒寶樹鳩彌勒
味寶樹赤青白色真珠樹赤栴檀染栴檀黃栴檀蒲
萄酒栴檀樂會天栴檀作味栴檀汙勒栴檀樹蜜香
黑妙香樹根香莖節枝葉華實各各熾盛有果樹器
樹衣樹瓔珞裝飾樹妓樂樹其枝葉華實各亦熾盛
樹香之氣芬馥甚美如天上所有阿難其世界是以金爲
以金爲交露出柔軟音聲其餘不可計功德亦出柔
軟音世界是故名樂園空無菩薩於彼神變來生於
此間浮提欲見我般泥洹適生度無央數人以爲佛
事轉於法輪空無菩薩從無數劫來身體諸毛出是
四大音柔軟可意微妙無瑕佛言阿難乃往去世有

1 2 3 4 5 6 7 8 9 200 1 2 3 4 5 6 7 8 9 210

佛名無垢眼爾時有比丘名慧樂其比丘從佛聞四大音義無數慧句勤力句處處句眼句天句音句信句佛句法句僧句師子句金剛句樂慧句因緣句導御句遠現句苦諦句苦習句苦盡句向道句彼於七夜常念不離是句遠於異講心念四義無所捨無所起清淨志觀壞諸見從億數佛受是四大無數義句住於法說至諸郡國縣邑在人家六年於衆中講法度無數人阿難爾時有魔名曰者陀化作龍象其衆無數雨澆金剛墮此比丘身上令其命過阿難其慧樂比丘者空無菩薩是也用彼精進多智六年於衆會中說法故從無數劫已來毛孔由此柔軟可意微妙無瑕四大音聲其一一毛度無數人間浮提人其聞空無菩薩名者爲得大利善慶何況面見歡喜者空無菩薩得無數諸度無極故來欲見如來般泥洹阿難汝爲空無菩薩於我前敷座從是當得大智慧尊於是阿難卽受教於佛前爲空無菩薩敷座佛言汝用敷是座故我般泥洹後汝於座上當一心得六通福若不志爲現清淨行者敷座之福可得恒沙之數轉輪聖王一作聖王當一見佛得爲無上正真道最正覺其有比丘比丘尼優婆塞優婆夷天龍鬼神

捷晳惣阿須倫迦留羅真陀羅摩臘勒及餘舍氣蠕
動之類聞是大清淨法若今日見現在如來若如來
般泥洹後爲法師比丘敷座適敷當得十座功德何
等十一者尊者座二者轉輪聖王座三者釋座四者
梵座五者第六天座六者法師比丘座七者在所坐
處當得法座八者菩薩大士詣佛樹下時當得佛座
九者得轉法輪度脫無數億天人一切世界普聞音
座十者作如是般泥洹時天龍鬼神捷晳惣等眷屬
圍遶然後得如來師子座是爲十阿難汝爲空無苦
薩又十指說是偈言

其雄根爲寂定

空無出大光明

我爲勇猛叉手

爲師子大吼禮

志一心及精進

積智慧以具足

我爲真善叉手

禮無有與等者

於是佛爲賢者阿難說偈言

爲空無苦薩

汝一心叉手

所當得福者

且聽我所說

佛告阿難汝用是又手福德我般泥洹已後六月中
當獨作佛天上天下人皆當稽首向汝作禮若行道
入郡國若住精舍男子女人小男小女諸邪異道沙

1 2 3 4 5 6 7 8 9 200 1 2 3 4 5 6 7 8 9 210

門梵志諸王大臣講堂交露及鼓山谷師子虎野牛
象駱駝牛馬驢獮猴健沓想阿須倫迦留羅真陀羅
摩睺勒天龍鬼神女鬼樹木枝葉華實諸藥草有想
者無想者皆當揖讓恭敬禮汝佛告阿難譬如如來
無所著等正覺得佛道之門時諸樹藥樹有想無想
者皆揖讓低仰向佛樹阿難其有比丘比丘尼優婆
塞優婆夷天龍鬼神健沓想等及餘含氣有命之類
有說是大清淨法語者如來今現在若泥洹後以直
心無諛謔之意一心又手向說法者諸佛天中天皆
當授其決及少功德者皆當具足得是法何況樂喜
無瑕穢者佛所語無異聞是大清淨法語少有歡喜
信者多不樂聞其有聞說信歡喜如來已豫見知其
人不於一佛所植諸德本爲悉於億那術佛所積累
功德皆見我說是大般泥洹會當復供養彌勒如來
見彌勒佛來下作佛時當復聞說大般泥洹經當復
見空無菩薩身毛孔出大音聲當復得方等經當復
聞見四童子爾時說是經天人阿須倫諸世間人當
復恭敬揖讓又手作禮亦當得師子座於是佛告賢
者阿那律汝寧見四十億天於虛空中聞是經法又
手向我者不對曰唯然天中天已見佛告阿那律是

4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

四十億天用是又手福億阿僧祇劫不歸三惡道各
各當一恒沙數更作轉輪聖王一一作聖王常值見
佛更是數已然後得作佛號願寂如來無所著等正
覺皆同一字爾時於衆會中有力士一名那尼二名
羅提三名首羅廬四名又摩迦樓五名覆咗遨六名
波因遮七名阿比他八名維邢提九名優多羅十名
浮浮樓遮十一名和利前十二名醯犁闍十三名醯
梨陀樓十四名又摩遮一一力士與五百之衆俱悲
啼哭往詣佛所稽首作禮泣下交橫白佛言惟世尊
我等爲空無菩薩善思議菩薩喜信淨菩薩神通華
菩薩及大會諸菩薩及此大經諸大弟子衆又手揖
讓恭敬作禮持是功德求無上正真道時佛便笑賢
者阿難以偈問佛言

佛爲世光明 今何因緣笑 善爲我等解
無數億人疑

於是佛爲阿難說偈言

阿難汝爲見 諸力士之衆 各五百眷屬
發大道意不 爲我又手恭 及空無童子
一切諸菩薩 於是經尊法 勸助大道意
哀念於一切 各與五百衆 皆當得佛道

1 2 3 4 5 6 7 8 9 200 1 2 3 4 5 6 7 8 9 210

經

法華經疏卷上

三

無央數億劫 終不歸惡道 觀於叉手者

其福乃如是 我忍住一劫 及數億百劫

諸佛得道時 其國甚快樂 所行至輒尊

其國則豐盛 我忍住一劫 說得未能竟

阿難我今日 於夜中半時 汝爲最後說

見佛人中尊

佛告阿難汝寧見此童子從北方來有大金光曜來者不其威神照於北方草木藥樹樹木莖節枝葉華實宮殿交露山陵谿谷及人非人皆同現爲金色對曰唯然天中天已見阿難汝見北方七寶交露精舍來不對曰唯然天中天已見阿難汝見金交露中結跏趺坐者不對曰唯然天中天已見佛告阿難北方去此六十四億萬佛國有佛名覺跡如來無所著等正覺今現在說法神通華菩薩於彼神變來生此間浮提欲見我般泥洹時光明所照謂是如來光明威神其七寶交露謂華跡世界其七寶金交露帳中坐童子謂如來也自然作是世界坐此七寶金交露帳中令無央數人具足於德本阿難此佛國有無央數億百千人與此童子植衆德本是童子適生於是佛國悉當令其同輩之衆漏盡意解得住學地於無上

正真道得不退轉於是四菩薩往詣佛所同一時前

稽首佛足佛告阿難如來所當作者及如來弟子已

令一切具足得其所是神通華菩薩以此金交露之
變化令七十億人得阿羅漢七十億那術人住學地

七十億百人立無上正真道七十億那術人得不起
法忍立無數人當值彌勒時

佛說方等般泥洹經卷上

音釋

蠕

而充切蟲動也

苞

布交切裹也

縚

丑離切哭聲也

拭

賞職切揩也

悸

其季切心動也

劇

巨几切連

膾

昆恐切膝端也

號

胡刀切兆徒刀切號

洮

大哭聲也

跔

跪同

劇

巨几切連

憇

憂悒也

憇

乾闥婆此云不全

憇

博補各切憇也

憇

憂悒也

憇

盧候切憇也

憇

雕刻也

方等般泥洹經卷上爲祈

吳江居士吳瑞徵施賈刻此

先考齊宇府君先

妣凌氏冥福

平湖釋在照對長洲徐普書句容潘汎刻

萬曆丁未秋七月徑山寂照庵識

法

可切

跋

跋布可切跋五

跋

搖動

跋

吁伽切

跋

吁伽切

跋

吁伽切

跋

跋五

跋

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

經

佛說方等般泥洹經卷下

四

佛說方等般泥洹經卷下

西晉三藏法師竺法護譯

囑累品第四

爾時賢者阿難白佛言惟世尊住一劫復過一劫所以者何惟天中天如來無所著等正覺在於世者是諸正士來至此我等得見跪拜承事如來般泥洹已後我曹永絕於三處何等爲三佛法僧是等正士爲離三處於是阿難說此語已啼泣躋地於時善思義菩薩爲阿難說此偈言

阿難仁莫啼 萬物皆無常 合會有別離

經

佛說方等般泥洹經卷下

一

0123456789200123456789210123456789220

況人焉可常 於是空無法 阿難何爲啼

咸有聚會者 諸會難得久 佛道亦無得

阿難何爲悲 所合會爲空 慧慧亦復空

若念若不念 一切法無念 無獲虛無有

譬如若如野馬 又如化象馬 圓果樹木華

巧幻師所現 佛弟子如是

於是阿難以偈答善思義菩薩言

實然如仁言 諸法無所念 我今日當離

違遠於世尊 云何入舍衛 彼問以何答

正覺爲在不 法眼當來不 若入香積山

不見人中尊 但見其空座 何忍住於彼

若出香積山 入迦利精舍 人中尊在中

廣說於四諦 見迦利羅空 無世雄光神

若入音聲園 於中獨啼哭 用不見正覺

馳走趣四方 其淚充滿目 何忍住於彼

爾時喜信淨菩薩爲賢者阿難說偈言

若億歲愁憂 妾可有所得 阿難且觀是

法界甚難得 譬如芭蕉樹 葉葉分解之

獲之無所得 萬物皆如是 譬如天雨時

水中之有泡 適起便復滅 萬物亦如是

1 2 3 4 5 6 7 8 9 201 1 2 3 4 5 6 7 8 9 210

譬如水之沫 但可以眼觀 獲之不可得
萬種亦如是 般如明鏡淨 影現不可得
法界亦如是 阿難何爲啼

於是阿難以偈答喜信淨菩薩言
非爲不知是 不爲不見是 三界無所有
經常載說此 見是億人衆 淚下皆交流
至我所愁泣 用是益慇懃 今世尊當去
人上忽不現 當於何求索 誰復爲我護
當從誰聞法 深奧難解句 當入何所難
嗚呼佛難值

爾時空無菩薩爲阿難說偈言

阿難起莫憂 觀於法非法 法爲不可得
何緣當有滅 如諸佛生時 得道亦如是
如佛轉法輪 泥洹亦如是 生不生於生
佛道亦無滅 於無生之法 阿難何爲啼
觀我身毛孔 諸所講說業 說佛空無有
法界亦如是

於是阿難以偈答空無菩薩言
仁等各當去 於諸界無憂 當見億諸佛
講說上妙法 我等及億天 周市相圍達

1 2 3 4 5 6 7 8 9 210 1 2 3 4 5 6 7 8 9 210

卷之三

三

比丘比丘尼 共舉聲吁嗟 或從數千里
皆來至我所 號呼聲遠聞 釋師子所在
忉利及焰天 奉術泥摩羅 世尊爲至梵
何時當來下 在閑居三月 人中尊一心
世雄何時起 當復擊法鼓

爾時神通華菩薩爲阿難說偈言

我爲以知是 自期於三月 示現於仁前
阿難可勿啼 我當故爲汝 啓白于如來
令轉第一法 用離釋尊故 諸佛有大哀
當求至人所 阿難勿得悲 人中尊已起

諸天龍尚憂 何況於汝身 如是之光明
乃於世滅盡 佛爲已說是 面從世尊聞
雖住於億劫 諸會猶別離

於是阿難起住佛前三舉聲說此偈言

佛爲一切護 今日當泥洹 世間當復冥
爲以失眼明 國王及尊者 甲廝國勤苦
何忍聞是言 佛當般泥洹 力士力士妻
力士子俱來 悲哀皆涕泣 最後見世尊
諸天龍之淚 周帀五由旬 淚流至于膝
除餘諸人民 難頭和難龍 六十億龍俱

1 2 3 4 5 6 7 8 9 210 1 2 3 4 5 6 7 8 9 210

佛說法華經卷第廿四

四

皆來共啼哭 最後見世尊 和陵摩奈龍
娑竭有大力 淚涕一由旬 往詣於佛所
阿耨達龍王 百億衆圍遶 淚涕如車輪
往至於佛所 伊隸鉢龍王 化作大身來
啼泣發洪音 往到於佛所 千億諸鬼神
及百那術衆 前稽首佛足 最後見世尊
諸釋有億千 其衆百那術 前行禮佛足
明眼莫泥洹 於是億梵天 明照是天地
前禮於佛足 願尊住一劫 魔子於彼來
導師自言在 哀念一切故 願尊住三劫

爾時空無菩薩爲釋梵天龍鬼神犍沓惒魔子導師
說偈言

汝等皆無智 但作強法語 已爲放逸行
於今甫啼泣 賒如諸嵩猊 所住於無黠
若人以刀擊 卽便懼悲喚 卿等亦如是
一切皆啼泣 若正覺在者 故行放逸行
今日光當去 其智譬如海 卿等當何作
釋尊已泥洹

是時佛告賢者阿那律大迦旃延分耨文陀尼弗鳩
摩迦葉須菩提目呵羅耶大拘繩汝等皆伸臂授如

1 2 3 4 5 6 7 8 9 210 1 2 3 4 5 6 7 8 9 210

來掌應時十萬比丘伸臂授世尊掌佛以左手受諸比丘掌右手持阿難羅云掌著諸比丘手中我所以親敬阿難羅云囑累汝等爾時卽如其像有大音其音偏告一佛國其千比丘聞所囑累欲放身命言我等當先般泥洹不忍見世雄般泥洹時也於是佛伸臂向北方應時他方世界五百佛伸手授佛掌佛便持阿難羅云手著諸佛掌中我持所親阿難及子羅云累諸世雄爾時佛便說偈言

我持子羅云 及侍者阿難 面以此囑累
諸佛之世尊 誰爲無護者 能爲作擁護

獨諸佛世尊 其智無量礙 今日之夜半
天龍世人民 在閻浮提者 不復得見我
徧觀諸世界 無量難思議 都不見一人
當爲住度者 無央數億劫 譬如恒邊沙
能以一人故 忍住爾所劫 其奉敬佛法
我義度此人 以無恭恪者 億佛不能療
爾時五百佛各欲還其國土受阿難羅云掌已便說偈言

其奉敬諸佛 佛義度此人 所示現濟脫
輒廣弘法鼓 釋師子世尊 滌除諸憂患

飽滿億數人 如天雨潤地

於是阿難羅云爲諸佛跪啼泣悲訴說偈言

願諸大勇猛 勸尊住一劫 諸佛之威神

令明住一劫 令無數億人 得義住正諦

天龍諸鬼神 皆發大道意

爾時五百佛各各還其世界已告賢者阿難羅云言
止阿難羅云無憂無悲諸佛天中天法伸臂者爲已
竟若放光明及來若住是爲諸佛之示現也

度地獄品第五

於是佛便三昧右足大指放億那術百千光明一一

光明端化作億百千蓮華一一蓮華上化作億百千
座一一座上有一化如來坐說法一一如來令億那
術百千人立不起滅地時佛復以左足大指放億那
術百千光明十足指放十億那術百千光明十手指
放十億那術百千光明兩膝放二億那術百千光明
兩腋放二億那術百千光明陰馬藏放億那術百千
光明齋中放億那術百千光明兩肩肘放二億那術
百千光明腦戶放億那術百千光明兩肩肘放二億
那術百千光明四十齒放四十億那術百千光明面
放億那術百千光明頂相放億那術百千光明三十

1 2 3 4 5 6 7 8 9 200 1 2 3 4 5 6 7 8 9 210

二天人相放三十二億那術百千光明兩眉間相放
億那術百千光明八十種好一一好各放億那術百
千光明一一光明端有化億那術百千蓮華一一蓮
華上有化億那術百千座一一座上各有坐如來說
法是諸佛世尊不講異義但詠菩薩法品總持金剛
行三品清淨力無所畏一一化如來令億那術百千
人立不退轉法佛爾時便於雙樹間更化作佛往至
先儒大泥犁放光明其光徧照思想大獄中佛爾時
便說偈言

是諸人已解脫

復數數有思想

用習起思想故

今其生於苦惱

於世間有得道

佛世尊放光明

其所說於正法

令滅盡諸苦惱

無所盡無所得

無有起亦無滅

其有知是法者

終不歸於惡道

佛適說是偈竟已應時具足億那術百千人於思想
地獄得脫卽生忉利天上時佛便復往忉利天上更
重說此偈言

是諸人已解脫

復數數有思想

用習思想之故

令其生苦痛中

1 2 3 4 5 6 7 8 9 201 1 2 3 4 5 6 7 8 9 210 1 2 3 4 5 6 7 8 9 220

於世間有得道

佛世尊放光明

其所說於正法

令滅盡諸苦惱

無所盡無所得

無有滅亦無起

其有知是法者

終不歸於惡道

世尊說是偈適竟應時具足億那術百千人聞是法

得須陀洹道得神通已便說此偈言

無有起亦無盡

無有生亦無滅

吾之等解於法

得忍道之滅度

其智慧如光明

照知人諸根本

現因緣爲解脫

輒於彼脫人民

滅愁苦得大智

療治於一切人

諸一切佛所療

終不歸於惡道

大光明爲甚疾

於世間而滅盡

億人民被燒炙

令度脫想地獄

於是佛復至燒炙焦煮叫喚雨黑沙燒人四大地獄
中放金色光明徧於一切光明於佛之光明柔軟可
意以哀眼視一切施眼令安隱惠戒使清涼作寂定
光明皆徧其中其威神尊清淨第一於垢無所染遠
離於垢施與於智行大慈念大哀施無限安樂施惠
無礙之眼施戒之香照於一切施於法味達於一切

1 2 3 4 5 6 7 8 9 200 1 2 3 4 5 6 7 8 9 210

經

九

已示現於法身施法心之眼斷一切不善之本授與
一切清白之法悉壞魔力悉令怖懼使邪異道皆斷
諸見令衆一切得安隱想開於天門閉於惡戶以無
盡之德代諸勤苦一心精進行慈悲喜護常導衆人
於大無爲施眼耳鼻口身意身一切諸毛孔於大光
明說經法柔軟可意悲哀口說尊語

我爲施安於世

我爲脫諸苦痛

我爲衆勤勞者

除若干之苦塵

我之所可說法

照尊光清淨安

一切人聞是法

皆棄捐諸惡道

其有人歸命佛

彼則爲得大利

於億劫生死數

終不墮諸惡道

佛說是偈已應時大地獄一一地獄具足各各億那
術百千人得脫生兜率天上用聞是法故悉得阿那
含道得神通已便說此偈言

譬如在厄道

有智慧導師

令大衆賈人

度怨賊鬼神

佛所度如是

以光明爲道

免脫億人民

離厄姪怒癡

我等歸命佛

導師放光明

已發慈悲意

得濟諸勤苦

當歸命於法

撫養於我身

僧爲尊重寶

1 2 3 4 5 6 7 8 9 210 1 2 3 4 5 6 7 8 9 220

其德難思議

爾時佛往詣合會大合會不可意三地獄中放金色五百萬億那術種光明徧照其中以寂定無人無有萬物無起無滅以布施持戒忍辱精進一心智慧諸度無極用大慈大悲大喜大護以四恩行用如來十力四無所畏諸佛十八法不共如來尊行世慧神足變化說法變化教授變化以用大慧以根力覺意三昧三摩越用一切菩薩之行以無礙佛慧以無礙佛眼以無礙法眼以無礙慧眼以無礙天眼以無礙肉眼以大慈大哀於一切用一切佛法無上之德用一

切如來覺法於彼八億那術百千有命之類悉蒙五百萬億那術種光音除諸勤苦皆得安隱出彼合會大合會不可意地獄得生波羅尼蜜和耶越天聞是法已皆悉得阿那含道於是佛便住於梵天說偈言

諸人無勤苦 則爲第一安 爲說勤苦應

諸想無有念 一切無所想 如於此所說

在三界豈安 數數有生死 其有解空空

彼空乃爲空 其說深縛者 彼能解於空

空者無有起 思想無有界 已見非我法

則爲佛之子 是法爲非吾 亦不可得我

已無吾我者 於何復有喜

佛說是偈已應時彼億那術百千人聞法者心悉斷一切勞塵生死已盡得阿羅漢證便放身命般泥洹我等不忍見世尊般泥洹時

現諸佛品第六

爾時佛於梵天忽然不現卽住雙樹間佛心念言今日夜半如來於是當般泥洹人民最後見佛終竟我聊復令衆庶歡悅得安隱想斷諸穢毒令念如來作大善本想離大衆惱得無極慶發大慈大悲棄諸魔事懷來諸佛法皆除裂諸見網悉滅諸塵勞悉捨諸諛詭悉捐諸大見來諸度無極歎詠菩薩之行現諸如來令一切目見作大變化說於佛法於是世尊於師子牀上右脅倚臥如師子無恐懼大尊雄周觀十方以足指按地六返震動十方境界佛卽如其像三昧正受一一毛孔出恒邊沙等數之光明一一光明照恒沙等佛國一一光明終不相錯以是之數一切諸毛孔各各放恒邊沙數之光明放已卽如其像三昧正受令一切人眼還得佛眼皆見諸佛國土所有爾時佛告諸比丘言汝等寧見東方縱廣上下各十萬由旬滿其中塵東方諸佛其數如此塵一塵爲一

佛皆右脅倚臥所見變化亦如是一切諸佛其所教
度皆已周畢悉入力士生地雙樹間皆名爲釋迦文
一切皆於師子牀上臥皆當於今日夜半般泥洹汝
等寧見東方不可計不可數不可思議無有量諸菩
薩行具足往詣佛樹下寧復見無央數得佛道者不
寧復見餘無央數轉法輪者不復見餘無央數說法
者不復見無有量放壽命者不復見無有限右脅倚
臥於師子牀上如我臥者不衆會對曰已見不知其
數佛言譬如是三千大千世界上至三十三天下盡
地際滿其中塵於汝等意云何寧能有知是瑩數者
不惟天中天不可計不可量不可稱不可數佛言譬
如是三千大千世界更有如是比億百千三千大千
世界滿其中塵有如此塵數東方佛國菩薩名釋迦
文來詣佛樹下得佛道者數亦如是轉法輪者數亦
如是敎授說法者數亦如是放身命者數亦如是如
我右脅倚臥者數亦如是無起餘於泥洹界般泥洹
者其數如是皆名爲釋迦文母名摩耶父名悅頭檀
尊弟子阿難爲侍者如東方之所有十方亦如是皆
爲釋迦文如釋迦之數名提和竭者亦如是名曰提

1 2 3 4 5 6 7 8 9 210 1 2 3 4 5 6 7 8 9 210

名多羅者亦如是名維衛者亦如是名式者亦如是名隨葉者亦如是名拘樓秦者亦如是名拘那含者亦如是名迦葉者亦如是是諸佛天中天如是柔軟微妙爲名號出柔軟音聲皆同一號爲釋迦文如來皆以具足肉眼見是尚不足言其所見廣大過此無央數其有居家修道若出家學道令一佛國諸菩薩皆得作佛具足一劫供養此諸佛名復有聞是說現諸佛經品聞已須臾受樂勸信勝於三千大千世界人民皆得佛共供養具足一切諸菩薩已慧解如是疾近無上正真道說是經時六十二億菩薩得難具足法如是得護不可思議意不退轉立於無上正真道十那術菩薩初發大道意立不退轉地無上正真道三十二億菩薩得不起法忍恒沙數等人斷一切塵勞滅生死證說無央數人當與彌勒會於時弊魔懷毒恨心垂淚白佛惟世尊我本願欲使如來早般泥洹欲令人民不出我界如來無著等正覺所度遂益多若住其壽命令至一劫所度之數不能復過今日之所度也今天中天已空我界於是佛以手兩指取地土用著爪上告弊魔言於汝意云何如來爪上土多大地土多魔白佛言如來爪上土少大地土多

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

不可計也佛言波旬我之所度立於無爲其數如爪上之土其從汝之教者復多於大地土汝當歡喜怡慄人之種如是不可盡無有數佛告波旬汝欲求人種如求空於是波旬卿所當作者便爲之今日夜半如來當般泥洹爾時佛告諸比丘置是諸佛世尊之數置是諸佛世尊國土所有快樂置是諸菩薩之興盛對曰唯然天中天悉在耳佛告阿難若我從一劫至那術劫作譬合會校計說譬喻法講義說諸佛無有竟時不可竟也無央數諸佛天中天現在者如是如來皆已具足肉眼見復過是所見不可限於是佛告諸比丘如來爲一切所當爲者已度一切矣無有不度之想名如毛髮所以者何故告汝等爾時佛卽如其像三昧現神足令是諸佛世尊所說經悉使此刹人聞聞是法者恒沙等人立於三乘十億百千人得無上正真道十億千人立緣覺道其餘者皆放身命

佛國淨品第七

爾時佛以三十二大人相八十種好及八千種好十億聲六十億那術百千種語無限億那術百千種具足音受持諸佛法之相如來寂定如來十力如來四

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

無所畏如來四神足如來四解智諸佛十八法不共
 如來世上行悉令面見諸法於是佛所說法卽現是
 三千大千之世界平等如掌無沙礫石但有摩尼真
 珠瑠璃琥珀碑碣金銀三千大千世界周匝有諸寶
 殿無央數宮珍寶交露摩尼宮殿交露偏有明珠
 樹明珠蓋明月珠幢旛明月珠舍明月珠座具足
 三千大千世界周徧八方有八交道以金銀瑠璃水
 精碑碣碼礪象腦琥珀寶赤車缸寶吉祥福寶月光
 明寶踰日寶阿牟勒寶鳩彌勒寶味寶碧英寶以此
 衆寶轉相裝校爲樹爲蓋幢旛其樹根莖節枝葉華
 實熾盛旛蓋麗妙有器樹衣樹瓔珞裝飾被服果樹
 滿無空缺有赤栴檀紅梅檀沫栴檀月栴檀語栴檀
 天栴檀作味栴檀汗勒栴檀蜜香黑妙香有蔓陀勒
 華大蔓陀勒華巾迦勒華大巾迦勒華麞華大麞華
 羅犁華善愛波羅犁華月華大月華周徧月華模華
 大模華周徧模華善敬模華蓋華大蓋華周徧蓋華
 嚼生華大嚼生華周徧嚼生華周匝徧滿是三千大
 千世界無空缺皆有珍寶蓮華有九十九億那術百
 千殿舍青瑠璃黃金琥珀碼礪以爲殿舍吉祥福寶

摩尼寶以爲車有輶妙衣垂掛車上周巾偏是三千
大千世界三千大千世界有敷自然師子之座一切
樹下皆有自然師子座以好綻綻錦繡綾綺上妙衣
服以爲坐具有雜色網幔其文交錯狀如綬紛或以
黃金焰光摩尼以爲裝校一切諸師子座有坐菩薩
三十二相嚴飾其身是三千大千世界周巾偏布赤
珠青珠白珠有赤栴檀之瓣香蜜香黑妙香散以粟
金於是三千大千世界上虛空中偏有摩尼珠網幔
出天之妓樂音聲以珠掛諸幔上以妙貫珠寶貫珠
師子賴珠威蹉賴買珠以金縷交錯爲係以金種種
莊嚴爲寶帳幔以純金爲帳幔是三千大千世界周
巾下盡地際上至三十二天以摩尼寶偏以紫磨金
周巾爲莊嚴從黃金帳出無央數億那術百千之好
音聲空無相無願聲非常苦空非身之聲寂定戒三
昧智慧解脫度知見聲調損忍辱慚愧聲慈悲喜護
安詳奉行聲布施聲度無極聲持戒聲持戒度無極
聲忍辱聲忍辱度無極聲精進聲精進度無極聲一
心聲一心度無極聲智慧聲智慧度無極聲神通聲
神通度無極聲菩薩行聲懷來菩薩使至不退轉地
聲菩薩得不起法忍聲一切諸佛法聲如須摩提國

阿彌陀佛光明如阿挿佛世尊及與香王國所有爲上妙如寶香天中天如法焰光佛國土之世雄如摩尼王世尊如日寶藏又若日寶藏如音響王佛如善覺佛如須彌劫正覺佛國興盛安樂釋師子國土興樂亦如是用哀一切故示現般泥洹人得知無疑世尊利貧窮用哀是等故示現國快樂如一切諸佛尊行佛道事釋師子刹如是毛髮無異無增無減又若一切佛國土之快樂嚴淨好釋師子刹如是毛髮而不差異

天菩薩品第八

爾時賢者阿那律啼泣悲哀便說是偈言

好如月盛住虛空 若日柔軟千光明

譬火摩尼照一切

誰當復護諸世間 無央數人流生死

一切世間復盲冥

一切三界羣生類 諸所得安及快樂

悉蒙佛法及尊僧

善釋師子巧醫王 療治憂苦度彼岸

免濟一切諸勤苦

一切世間當狂亂 用不見佛釋師子

1 2 3 4 5 6 7 8 9 210 1 2 3 4 5 6 7 8 9 210

除無央數姪怒癡

人民瞑眩頓躋地

天中之天滅生死

金翅龍鳥皆歸命

鬼阿須倫摩睺勒

世尊去後皆墮冥

無有姪欲離慢塵

照四方明爲已滅

一切世間當大冥

佛般泥洹當奈何

阿那律說此偈已應時有諸異天乘車來者獨乘者乘象者乘馬車者在交露車者在座上者在殿上者在牕牖者在交露帳者在戶上者在半月上者在梯陛上者各從所乘各從在所下下已啼泣呼嗟往詣力士所生地到佛所稽首佛足或有天散優鉢青蓮

黃白諸華或有散雜栴檀或有天自取寶冠寶珥手著之寶及以天衣持散佛上供養於佛於是賢者羅云啼泣悲哀說偈言

功德特異慧無量

爲衆所奉開迷亂

除一切惡勤勞憂

入於力士所生地

佛爲福地衆所仰

尊爲醫王滅諸病

尊相好好如蓮華

尊今寢臥於樹間

佛喻日月諸世間

無量之曜消天光

佛爲法王過須彌

度脫億人勤苦惱

佛入空法寂無有

第一無想度彼岸

1 2 3 4 5 6 7 8 9 200 1 2 3 4 5 6 7 8 9 210

尊棄一切世間願 法王已入諸樹間

世尊之眼滅世冥 三達無礙去來今

佛爲導師度生死

佛用哀故寢樹間

尊師子吼出妙聲

佛所語明如月照

佛軟音響衆喜樂

佛用哀故寢樹間

賢者羅云讚十力

卽便暝眩尋躋地

於地宛轉自撲撲

法王加哀莫泥洹

尊者羅云說此偈已應時東方不可議無央數不可稱無涯底世界諸佛天中天國不可計無央數不可思議無有限諸菩薩啓辭諸佛來至此刹欲見如來

般泥洹及諸大會菩薩欲見如來稽首跪拜承事供養諸菩薩來所經世界無數無量一切天宮天妓樂不敢自鳴雨於天香天華彼諸世界諸天子有大德學大乘者及諸天王龍王鬼神阿須倫巴迦留羅王真陀羅王摩睺勒王皆侍從諸菩薩來供養者菩薩以諸寶自裝校來者或以天子被服來者或以第六天子被服來者或以梵天被服來者或以自在天子被服來者或以善化天子被服來者或以兜術天子被服來者或以天帝釋被服來者或以日天子被服來者或以月王被服來者菩薩入摩尼寶殿舍中結

跏趺坐來者或入摩尼寶宮中坐來者或入摩尼寶
交露帳中坐來者復有菩薩入香殿香宮香交露帳
中結跏趺坐來者或入紫磨金殿或入一切寶殿或
入一切寶交露帳中結跏趺坐來者復有菩薩入赤
栴檀殿入一切栴檀殿舍中結跏趺坐來者復有菩
薩入七寶華殿或入月光照明踰日月摩尼寶殿或
入如意寶珠殿或入如意寶珠宮或入如意摩尼寶
交露帳中結跏趺坐來者諸菩薩以三十二相裝飾
其身有無數光明不可思議之光曜無數廣大光明
其光明除一切人勤苦令一切得善想光明除一切
地獄餓鬼畜生光明將一切詣善道光明令身有福
功德相端正殊好見者歡喜愛其色則無與等者其
色爲一切所觀視有梵聲柔軟音響令諸道歡喜音
恐諸魔音益一切人音出諸法諸福德音滅除一切
惡出無量法明音彼有菩薩大士雨諸寶天華徧三
千大千世界往詣如來或雨衣者或雨瓔珞莊飾者
或雨蓋者或雨旛綵者或雨雜栴檀者或雨紫磨金
者或雨蓮華者或雨如意珠者或雨踰天所有諸寶
裝飾蓋如三千大千世界踰諸天寶用供養如來有

菩薩以諸瓔珞莊嚴如三千大千世界作蓮華細根
青瑠璃碑磲琥珀吉祥藏寶以爲車如意珠車皆悉
周徧焰光珠摩尼黃金以一切爲莊飾或有化作一
宮殿如三千大千世界或有化作踰天諸寶交露帳
如三千大千世界以焰光珠黃金一切爲裝校或有
化作清淨處如三千大千世界甚大不可計無央數
不可思議無有量無涯底所化乃如是以供養如來
無所著等正覺八方上下來如是不可計不可數不
可思議無有量諸菩薩來供養佛是諸菩薩皆同時
前稽首佛足達世尊三市各從其所方來化作大蓮
華師子座諸寶焰光珠黃金爲莊校一一菩薩各爲
佛於雙樹間化作師子座以無量清淨踰天衣敷其
上以無央數種種色無量色不可計色不可計億那
術百千色踰天上諸所有以爲裝校焰光珠黃金諸
寶紫磨金以爲帳而莊嚴踰天上香而爲芬熏令諸
惡道爲善本想令一切歡喜怡懌如一菩薩所作莊
飾諸菩薩皆亦如是一菩薩各各所化不相雜錯
所以者何寂定無諛詣於諸法無所著譬如如意珠
於諸塵垢無所染汙學善權方便於諸法所念清淨
得諸尊慧法如身所行口亦如是爲大布施主住於

1 2 3 4 5 6 7 8 9 210 1 2 3 4 5 6 7 8 9 210

法無所著是諸菩薩皆歎如來本求道不可計無央
數不可量不可稱勤苦行以義示現

如來化說法品第九

爾時賢者阿難以偈讚佛言

眼明淨好如月滿 十方神足慧無塵
爲天龍王所供事 今日世尊入樹間
若佛衆總入大城 世雄以足蹈門間
則動天地至六返 放其光明徧佛國
琴瑟簫鼓諸樂器 不鼓自出柔軟音
師子虎鹿及野牛 諸龍大象止雲山

哮吼跑陸心歡喜 皆有慈音向如來
其聲可樂勝衆寶 諸牛那術及百千
見佛光明皆踊躍 得安無量樂無數
鶴鶩鷲鷺鴈拘逸 又羅瞻無無數衆
於鐵圍山鳥鸚鵡 嘴喜欣欣至佛所
人本所失諸寶藏 皆還得之至世尊
諸瞋恚者悉慈心 以清淨意奉事佛
天於虛空雨天華 文羅蓮華有千葉
諸宮殊女及天子 各爲供養於世尊
色淨如是當不現 佛今泥洹當奈何

1 2 3 4 5 6 7 8 9 210 1 2 3 4 5 6 7 8 9 210

經

佛說金剛經卷下

二十一

譬如犢子斷母乳

斷絕擁護爲甚劇

十力從本無塵垢

已離生死爲衆祐

諸世雄界爲自在

其壽得住不減劫

誰爲光王踰日月

誰當有力喻鐵圍

誰當忍辱等如地

世尊導人使離塵

當以精進及一心

智慧示現度一切

若子億世與母離

暫得一會便復別

子愁思親四方求

世尊泥洹我亦爾

愁憂勤苦無復樂

見佛經行及坐處

及見講堂以精舍

奈何斷無吉祥德

讚歎十方法施人

無量勤苦賢釋子

卽便躋地蓬宛轉

我最意見月善月

爾時世尊以一切持句三昧正受作安隱行現三昧

善說三昧雷雨三昧師子響三昧光耀響三昧威神

光明三昧放光明三昧微妙句三昧力三昧力句三

昧無量力三昧意特照明三昧起世有三昧鼓響三

昧月三昧大月三昧周帯月三昧月響三昧上月三

昧藏三昧諦藏三昧瑠璃藏三昧觀視三昧無量觀

視三昧徧照一切十方三昧除一切疑光明三昧至

誠三昧諦至誠三昧至語三昧說一切行三昧所說

東京大学総合図書館所蔵

諦至誠三昧無量三昧寂定三昧寂定句三昧諦寂
定語三昧布施三昧諦布施三昧大布施士三昧光
明三昧善光明三昧大光明三昧無量光明三昧照
明句三昧斷一切疑光明三昧說諸善本三昧除說
詣疑結三昧諦說見三昧於是斷疑三昧善施廢解
三昧作諸佛三昧現於一切行三昧善說一切行三
昧善說轉法輪三昧善開度其處三昧以是善說現
在諸佛慧三昧正受所住處一一毛出不可計不可
說不可稱不可量無涯底億那術百千光明一一光
端化無央數不可計議無量浴池一一浴池化作不
可計議無數無限億那術百千蓮華一一蓮華上化
作不可計議無數無限億那術百千座一切諸座上
皆有如來坐說法一一化如來所開導人使立不退
轉地住於佛法其數如蓮華上所坐化佛得須陀洹
斯陀含阿那含阿羅漢一一各如是緣覺之數及不
退轉立善本者其數亦爾生天上者數亦如是不復
墮苦諸浴池際各有四寶樹無數莖節枝葉華實一
莖節枝葉華實上化作無數不可計議不可稱量
如來化出坐師子座上說法度脫一切其數如化樹
上如來之數開度一切已便說此偈言

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

衆祐人中尊 諦覺於一切 人見歡喜者
皆棄捐惡道 其久有神通 世雄難得值
如優曇鉢華 其色可意好 其欲供養佛
及奉事我身 彼聞是經法 其心當歡喜
其欲見現在 世尊人中上 世光明威神
當信樂吉祥 其當來諸佛 以光導御人
欲見是世尊 當信是吉祥 其有求大乘
彼則有大利 聞是經法已 則奉侍於佛
其目得清淨 及耳鼻之根 身口意諸根
爲斷無所受 三昧戒清淨 智慧解脫淨

解脫示現智 脫現爲至誠 解於一切法
於我無所起 所知無所滅 卽不憂諸響

諸化如來說此偈已應時不可計人立於三乘無數
世界人民皆得一心無數佛國諸地獄皆滅盡諸畜
生皆脫勤苦餓鬼皆得安隱爾時佛入量寶三昧正
受如來住是三昧者隨一切人所欲得寶則如其意
見佛國寶皆悉在前見諸佛樹以寶裝飾隨意所好
所欲見色則見諸郡國縣邑及國人民卽如意見滿
諸佛國盡形壽見所欲裝飾則如意見男子女人小
男小女瓔珞裝飾亦復見諸天龍鬼神健沓恕阿須

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

倫迦留羅真陀羅摩睺勒所欲服飾所欲飲食所欲舍宅如意所好皆見皆得佛告阿難有三昧名慧行諸佛世尊住是三昧隨人所欲得三昧如意卽見一切人願阿難諸佛世尊有三昧名無量過度三昧吉祥威神隨人所欲得萬物卽如意在前得萬物已供養如來阿難諸佛世尊有三昧名眼住是三昧時令一切人不復習欲樂道德欲於婬欲不淨想不復習也於夢中亦不樂阿難諸佛世尊有三昧名意慚愧住是三昧時令諸佛國中人民皆有愧心無恚亂意阿難諸佛世尊有三昧名目王住是三昧盲者得目阿難諸佛世尊有三昧名無憂主住是三昧時若入城令一切人無復憂患阿難諸佛世尊有三昧名神通主住是三昧令無神通者飛行虛空神足能高七樹阿難諸佛世尊有三昧名世光曜住是三昧時盲者得見世尊阿難諸佛世尊有三昧名受清淨住是三昧時足蹈門闈令諸天龍鬼神犍沓惣王阿須倫王迦留羅王真陀羅王摩睺勒王釋梵於彼稽首禮佛阿難諸佛世尊有三昧名過師子英住是三昧時諸外異道適見如來威神皆降伏自歸阿難諸佛世尊有三昧名金剛光明住是三昧足蹈地時三千大

1 2 3 4 5 6 7 8 9 210 1 2 3 4 5 6 7 8 9 210

千諸鐵圍大鐵圍山須彌山王及黑山諸溝坑谿谷
山林及地皆正高者爲卑丘墟爲平其地柔軟譬如
好衣阿難諸佛世尊有三昧名伏諸魔力住是三昧
時令諸魔恐懼怖慄不安各各不樂其宮舍怖懼不
止至于見佛歸命如來稽首佛足阿難諸佛世尊有
三昧名無恐懼住是三昧時令一切人無傷害意相
向無諸恐懼亦無憍慢阿難諸佛世尊有三昧名妙
句住是三昧時令諸世界人無有食者得諸無數種
種之味阿難諸佛世尊有三昧名顏色住是三昧時
令一切人得好妙色不復多病阿難諸佛世尊有三

昧名爲他故令無衣者得自然衣住是三昧時拘閉
獄者皆得解脫諸在厄難者令免難苦得諸安樂慳
貪者喜布施惡戒者住淨戒恚怒者立忍辱懈怠者
使精進斷諸不善法習增善法亂意者令得一心惡
智者得淨智慧阿難諸佛世尊有三昧名說無意行
善說句住是三昧時諸憂愁者悉令喜踊阿難諸佛
世尊有三昧名二光住是三昧時於去來今諸法無
所罣礙無有不等示現智慧阿難諸佛世尊有三昧
名於諸法無諛詭便去住是三昧時令諸菩薩大士
得不起法忍佛說如是賢者阿難諸尊弟子十方諸

會菩薩諸天龍神世間人民爲佛作禮而去
佛說方等般泥洹經卷下

音釋

獵 頻脂切

苦各切

齊 𠂔奚切

與隣同

焦 蒸焦也

𦨇 古紅

切壁

金搘 式利切

金搘

鹿

亦

辯 蒲覓切

辯

翅 翅膀切

翅

鳥名

足 足一章切

足

鴟鴞 鴟與章切

鴟

胡葛切

正 作貌

謹也

綻 綻於阮切

綻音

辨 蒲覓切

辯

翅 翅膀切

翅

鳥名

足 足一章切

足

鴟鴞 鴟與章切

鴟

胡葛切

心也 昌朱切

美也

跑 薄交切

跑

地也

鴟鴞 鳥也

鴟

鴞

鳥也

似雉

鳥也

吳江居士吳瑞徵施贊刻此

方等般泥洹經卷下爲祈

先考齊宇府君先

妣凌氏冥福

不湖

釋在照對

江右萬承書

江寧吳守倫刻

萬曆

丁未冬十月徑山寂照庵識

八三十二

80 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220 1 2 3 4 5 6 7 8 9 230 1 2 3 4 5 6 7 8 9 240 1 2 3 4 5 6 7 8 9 250 1 2 3 4 5 6 7 8 9 260 1 2 3 4 5 6 7 8 9 270 1 2 3 4 5 6 7 8 9 280 1 2 3 4 5 6 7 8 9 290 1 2 3 4 5 6 7 8 9 300 1 2 3 4 5 6 7 8 9 310 1 2 3 4 5 6 7 8 9 320 1 2 3 4 5 6 7 8 9 330 1 2 3 4 5 6 7 8 9 340 1 2 3 4 5 6 7 8 9 350 1 2 3 4 5 6 7 8 9 360 1 2 3 4 5 6 7 8 9 370 1 2 3 4 5 6 7 8 9 380 1 2 3 4 5 6 7 8 9 390 1 2 3 4 5 6 7 8 9 400 1 2 3 4 5 6 7 8 9 410 1 2 3 4 5 6 7 8 9 420 1 2 3 4 5 6 7 8 9 430 1 2 3 4 5 6 7 8 9 440 1 2 3 4 5 6 7 8 9 450 1 2 3 4 5 6 7 8 9 460 1 2 3 4 5 6 7 8 9 470 1 2 3 4 5 6 7 8 9 480 1 2 3 4 5 6 7 8 9 490 1 2 3 4 5 6 7 8 9 500 1 2 3 4 5 6 7 8 9 510 1 2 3 4 5 6 7 8 9 520 1 2 3 4 5 6 7 8 9 530 1 2 3 4 5 6 7 8 9 540 1 2 3 4 5 6 7 8 9 550 1 2 3 4 5 6 7 8 9 560 1 2 3 4 5 6 7 8 9 570 1 2 3 4 5 6 7 8 9 580 1 2 3 4 5 6 7 8 9 590 1 2 3 4 5 6 7 8 9 600 1 2 3 4 5 6 7 8 9 610 1 2 3 4 5 6 7 8 9 620 1 2 3 4 5 6 7 8 9 630 1 2 3 4 5 6 7 8 9 640 1 2 3 4 5 6 7 8 9 650 1 2 3 4 5 6 7 8 9 660 1 2 3 4 5 6 7 8 9 670 1 2 3 4 5 6 7 8 9 680 1 2 3 4 5 6 7 8 9 690 1 2 3 4 5 6 7 8 9 700 1 2 3 4 5 6 7 8 9 710 1 2 3 4 5 6 7 8 9 720 1 2 3 4 5 6 7 8 9 730 1 2 3 4 5 6 7 8 9 740 1 2 3 4 5 6 7 8 9 750 1 2 3 4 5 6 7 8 9 760 1 2 3 4 5 6 7 8 9 770 1 2 3 4 5 6 7 8 9 780 1 2 3 4 5 6 7 8 9 790 1 2 3 4 5 6 7 8 9 800 1 2 3 4 5 6 7 8 9 810 1 2 3 4 5 6 7 8 9 820 1 2 3 4 5 6 7 8 9 830 1 2 3 4 5 6 7 8 9 840 1 2 3 4 5 6 7 8 9 850 1 2 3 4 5 6 7 8 9 860 1 2 3 4 5 6 7 8 9 870 1 2 3 4 5 6 7 8 9 880 1 2 3 4 5 6 7 8 9 890 1 2 3 4 5 6 7 8 9 900 1 2 3 4 5 6 7 8 9 910 1 2 3 4 5 6 7 8 9 920 1 2 3 4 5 6 7 8 9 930 1 2 3 4 5 6 7 8 9 940 1 2 3 4 5 6 7 8 9 950 1 2 3 4 5 6 7 8 9 960 1 2 3 4 5 6 7 8 9 970 1 2 3 4 5 6 7 8 9 980 1 2 3 4 5 6 7 8 9 990 1 2 3 4 5 6 7 8 9 1000